



文

藝文通考

一百五十四

禮記

鄱陽馬端臨貴與著

山

考

南史后妃傳叙六宮位號前史代有不同晉武帝采漢魏之制置貴嬪夫人貴人是為三夫人位視三公淑妃淑媛淑儀脩華脩容脩儀婕妤容華克華是為九嬪位視九卿其餘有美人才人中才人爵視千石以下宋武帝省一才人其餘仍用晉制按貴嬪魏文帝所制夫人魏武帝初建魏國所制貴人漢光武所

制淑妃。魏明帝所制淑媛。魏文帝所制淑儀。脩華。晉武帝所制脩容。魏武帝所制脩儀。魏明帝所制婕妤。容華。前漢舊號充華。晉武帝所制美人。漢光武所制。及孝武。孝建三年省夫人。置貴妃。位比相國。進貴嬪。比丞相。貴人。比三司。以為三夫人。又置昭儀。昭容。昭華。以代脩華。脩儀。脩容。又置中才人。充衣。以為散位。按昭儀。漢元帝所制。昭容。孝武所制。昭華。魏明帝所制。中才人。晉武帝所制。充衣。前漢舊制。及明帝。泰始二年。省淑妃。昭華。中才人。充衣。復置脩華。脩儀。脩容。才人。良人。三年。又省貴人。置貴姬。以備三夫人之數。

又置昭華。增淑容。承徽。列榮。以淑媛。淑儀。淑容。昭華。昭儀。昭容。脩華。脩儀。脩容。為九嬪。婕妤。容華。充華。承徽。列榮。凡五職。亞九嬪。美人。才人。良才。三職。為散役。其後帝留心後房。擬百官。備置內職焉。及齊高帝建元元年。有司奏置貴嬪。夫人。貴人。為三夫人。脩華。脩儀。脩容。淑妃。淑媛。淑儀。婕妤。容華。充華。為九嬪。美人。中才人。才人。為散職。三年。太子宮置三內職。良娣。比開國侯。保林。比五等侯。才人。比駙馬都尉。及永明元年。有司奏貴妃。淑妃。並加金章紫綬。佩于闐玉。淑妃。舊擬九隸。以淑為溫恭之稱。妃為亞后之名。進同貴。

妃。以比三司。夫人之號。不殊蕃國。降淑媛。以比九卿。七年。復置昭容。位在九嬪焉。梁武撥亂反正。深鑒奢逸。配德早終。長秋曠位。定令制貴妃。貴嬪。貴姬。為三夫人。淑媛。淑儀。淑容。昭華。昭儀。昭容。脩華。脩儀。脩容。為九嬪。婕妤。容華。充華。承徽。列榮。為五職。美人。才人。良人。為三職。東宮置良娣。保林。為二職。及簡文元帝。出自儲蕃。或迫在拘繫。或逼於寇亂。且妃竝先殂。更不建椒闈。陳武光膺天曆。以朴素自居。故後官員位。其數多闕。文帝天嘉之後。詔宮職備員。其所置立。無改梁舊。編之令文。以為後法。然帝性恭儉。而嬪嬙不

備。宣帝後主。無所改作。今總綴緝。以立此篇云。

宋孝懿蕭皇后。名文壽。蘭陵人。武帝繼母。帝為宋公。宋王。加太妃。太后。受禪。尊為皇太后。

武敬臧皇后。名愛親。東莞人。適武帝。義熙四年。殂。追贈豫章郡夫人。武帝崩。祔葬初寧陵。

武帝張夫人。不知何許人。生少帝。帝即位。尊為皇太后。少帝廢太后。還璽紱。隨居吳縣。文帝元嘉初。拜營陽國太妃。二年。薨。

文帝胡太后。名道女。淮南人。義熙初。武帝納之。生文帝。五年。被譴死。

武帝即位。追贈婕妤。文帝即位。上尊號曰章皇太后。陵曰熙寧。

少帝司馬皇后。名茂英。晉恭帝女。宋初。拜皇太子妃。少帝即位。為皇后。元嘉初。降為滎陽王妃。十六年薨。文元袁皇后。名齊媯。陳郡陽夏人。父湛。少適文帝。為王妃。生子少元。嘉十七年崩。

潘淑妃。以色進。生子濟。後為元凶邵所殺。

孝武昭路太后。名惠男。丹陽建康人。以貌入後宮。生孝武。拜淑媛。隨孝武出蕃。孝武即位。尊為太后。明宣沈太后。名容姬。為文帝美人。生明帝。拜婕妤。元嘉三

十年卒。孝武即位。追贈太后。

孝武文穆王皇后。名憲嫺。琅邪臨沂人。初為武陵王妃。生廢帝。孝武即位。立為皇后。廢帝即位。尊為皇太后。

殷淑儀。南郡王義宣女。義宣敗。帝密取之。假姓殷。薨。追贈貴妃。或云。貴妃是殷琰家人。入義宣家。義宣敗。入宮云。

前廢帝何皇后。名令婉。廬江瀟人。父瑀。初為皇太子妃。薨于東宮。廢帝即位。追謚曰獻皇后。

明恭王皇后。名貞風。琅邪臨沂人。初為湘東王妃。明

帝即位。立為后。廢帝即位。尊為太后。

後廢帝陳太妃。名妙登。丹陽建康屠家女。孝武宮人。以賜明帝。生後廢帝。拜貴妃。廢帝即位。尊為皇太妃。後廢帝江皇后。名簡珪。濟南陽考城人。初納為太子妃。帝即位為皇后。帝既廢。降為蒼梧王妃。

順帝陳太妃。明帝宮人。為昭華。明帝以桂陽王休範子。令妃養之。即位為順帝。進為皇太妃。

順帝謝皇后。名梵境。陳郡陽夏人。父颺。順帝立為皇后。帝禪位。降為汝陽王妃。

齊武穆裴皇后。名惠昭。河東聞喜人。昇明三年。為齊

世子妃。建元元年。為皇太子妃。二年。薨。武帝即位。追尊為皇太后。

文安王皇后。名寶明。琅邪臨沂人。父暉之。建元四年。為皇太子妃。鬱林王即位。尊為皇太后。稱宣德宮。明帝即位。出居鄱陽王故第。梁武定建鄴。迎入宮。稱制。和帝禪位。遜居外宮。梁天監時薨。

鬱林王何妃。名婧英。廬江灑人。初為南郡王妃。太孫即位。立為皇后。帝廢。貶為王妃。

海陵王王妃。名韶明。琅邪臨沂人。父慈。初為鬱林王妃。王即位。為皇后。王廢。降為妃。

明敬劉皇后。名惠端。彭城人。明帝納之。永明七年卒。帝即位。贈皇后。東昏褚皇后。名令璩。河南陽翟人。父澄。建武初。納為皇太子妃。東昏即位。為皇后。東昏廢。降為庶人。

和王皇后。名舜華。琅邪臨沂人。儉之孫。初為隨王妃。帝即位。為皇后。既禪位。降為妃。

梁武德鄰皇后。名徽。高平金鄉人。父暉。齊建元末。嬪于武帝。帝為雍州刺史。日殂。即位。追贈皇后。

武丁貴嬪。名令光。譙國人。武帝鎮樊城。納之。生昭明太子。冊為貴嬪。普通七年薨。

文宣阮太后。名令羸。會稽餘姚人。武帝平建鄴。納為采女生。元帝為脩容。隨出蕃。大同六年薨。元帝即位。追崇為太后。

簡文王皇后。名靈賓。琅邪臨沂人。初為晉安王妃。大通三年。拜皇太子妃。薨。簡文即位。追崇為皇后。

元帝徐妃。名昭佩。東海郟人。天監十六年。拜為湘東王妃。太清三年。以罪死。

敬夏太后。會稽人。元帝納之。生敬宗。昭泰元年。尊為太后。明年。降為江陰國太妃。

敬王皇后。琅邪臨沂人。初為晉安王妃。王即位。拜皇

后。禪位。降為江陰王妃。

陳武宣章皇后。名要兒。吳興烏程人。武帝聘之。受禪。立為皇后。文帝即位。尊為皇太后。

文沈皇后。名妙容。吳興武康人。梁大同中。歸于文帝。武帝即位。為臨川王妃。文帝即位。為皇后。廢帝立為皇太后。

廢帝王皇后。琅邪臨沂人。初為皇太子妃。廢帝即位。立為皇后。帝廢。降為臨海王妃。至德中薨。

宣柳皇后。名敬言。河東解縣人。宣帝在江陵。聘之。生後主。宣帝即位。為皇后。後主即位。尊為皇太后。

後主沈皇后。名嫠華。吳興武康人。父君理。太建三年。拜為皇太子妃。後主即位。立為皇后。陳亡。入長安。隋煬帝每巡幸。恒令從駕。煬帝被弒。后為尼於毗陵天靜寺。貞觀初卒。

張貴妃。名麗華。本兵家女。後主為太子。選入宮。得幸。生太子深。拜貴妃。陳亡。為隋軍所殺。

北史。后妃傳。叙魏氏王業之兆。雖始於神元。然自昭成之前。未具言。六宮之典。而章平思。昭穆惠。煬烈。八帝妃后。無聞。道武追尊祖妣。皆從帝謚。為皇后。始立中宮。餘妾或稱夫人。多少無限。然皆有品次。太武稍

增左右昭儀及貴人椒房等。後庭漸已多矣。又魏故事。將立皇后。必令手鑄金人以成者為吉。不則不得立也。又太武文成。保母劬渠之恩。竝極尊崇之義。雖事乖典禮。而觀過知仁。孝文改定內官。左右昭儀。位視大司馬。三夫人視三公。三嬪視三卿。六嬪視六卿。世婦視中大夫。御女視元士。後置女職。以典內司。視尚書令。僕作司。大監女侍中。三官視二品。監女尚書。美人女史女。賢人女。書史書女。小書女。五官視三品。中才人供人。中使女。生才人。恭使。宮人。視四品。青衣女。酒女。饗女。食奚官女。奴。視五品。及齊神武文襄俱

未踐尊極。神武嫡妻稱妃。其所娉孀孀女。稱為孀孀公主。文襄既尚魏朝公主。故無別號。兩宮自餘姬侍。竝稱娘而已。文宣後庭。雖有夫人嬪御之稱。然未具員數。孝昭內職甚少。唯楊妃才貌兼美。復是貴家。襄城王母桑氏有德行。竝蒙恩禮。其餘無聞焉。河清新令。內命婦依古制。有三夫人。九嬪。二十七世婦。八十一御女。又准漢制。置昭儀。有左右二人。比丞相。其弘德。正德。崇德。為三夫人。比三公。光猷。昭訓。隆徽。為上嬪。比三卿。宣徽。凝暉。宣明。順華。凝華。光訓。為下嬪。比六卿。正華。令則。脩訓。曜儀。明淑。芳華。敬婉。昭華。光正。

昭寧貞範宏徽和德弘猷茂光明信靜訓曜德廣訓
暉範敬訓芳猷婉華明範艷儀暉則敬為二十七世
婦比從三品穆光茂德貞懿曜光貞凝光範令儀內
範穆閨婉德明婉艷婉妙範暉章敬茂靜肅章穆華
慎儀妙儀明懿崇明麗則婉儀彭脩閑脩靜弘慎艷
光漪容徽淑秀儀芳婉貞慎明艷穆脩範肅容茂儀
英淑弘艷正信凝婉英範懷順脩媛良則瑤章訓成
潤儀寧訓淑懿柔則穆儀脩禮昭慎貞媛肅閨敬順
柔華昭順敬寧明訓弘儀崇敬脩敬承閑昭容麗儀
閑華思柔媛光懷德良媛淑猗茂範良信艷華徽娥

肅儀妙則為八十一御女比正四品武成好內茲具
其員自外又置才人采女以為散號後主既立二后
昭儀以下皆倍其數又置左右娥英比左右丞相降
昭儀比二夫人尋又置淑妃一人比相國周氏率由
姬制內職有序文帝創基脩祚席以儉約武皇嗣歷
節情欲於矯枉宮闈有貫魚之美戚里無私溺之尤
可謂得君人之體也宣皇外行其志內逞其欲溪壑
難滿采擇無厭恩之所加莫限廝皂榮之所及無隔
險設於是升蘭殿以正位踐椒庭而齊體者非一人
焉階房帷而拖青紫緣恩幸而擁玉帛非一族焉雖

辛癸之荒淫。趙李之傾惑。曾未足比其髣髴也。人厭苛政。弊事實多。文帝之祀。忽諸。特由於此。隋文思革前弊。大矯其失。惟皇后當室。傍無私寵。婦官位號未詳。備焉。開皇二年。著內官之式。略依周禮。省減其數。嬪三員。掌教四德。視正三品。世婦九員。掌賓客祭祀。視正五品。女御三十八員。掌女功絲枲。視正七品。又采漢晉舊儀。置六尚六司六典。遞相統攝。以掌官掖之政。一曰尚書。掌導引皇后。及閨閣稟賜。管司令三人。掌圖籍法式。糾察宣奏典琮三人。掌琮璽器玩。二曰尚儀。掌禮儀。教學管司樂三人。掌音律之事。典贊

三人。掌導引內外命婦朝見。三曰尚服。掌服章寶箴。管司飾三人。掌簪珥花嚴。典擲三人。掌巾櫛膏沐。四曰尚食。掌進膳。先嘗。管司醫三人。掌方藥卜筮。典器三人。掌罇彝器皿。五曰尚寢。掌帷帳牀褥。管司筵三人。掌鋪設洒掃。典執三人。掌扇傘燈燭。六曰尚工。掌管造百役。管司製三人。掌衣服裁縫。典會三人。掌財帛出入。六尚各三員。視從九品。六司視勳品。六典視流外二品。初文獻皇后功參歷試。外預朝政。內擅宮闈。懷嫉妬之心。虛嬪妾之位。不設三妃。防其上逼。自嬪以下。置六十員。加又抑損服章。降其品秩。至文獻

崩後始置貴人三員。增嬪至九員。世婦二十七員。御女八十一員。貴人等關掌官闈之務。六尚以下皆分隸焉。煬帝時。后妃嬪御無厘婦職。唯端麗飾陪從宴遊而已。帝又參詳典故。自製嘉名。著之於令。貴妃淑妃。德妃。是為三夫人。品正第一。順儀。順容。順華。脩儀。脩容。脩華。克儀。克容。克華。是為九嬪。品正第二。婕妤。十二員。品正第三。美人。才人。一十五員。品正第四。是為世婦。寶林。二十四員。品正第五。御女。二十四員。品正第六。采女。三十七員。品正第七。是為女御。總一百二十。以叙於燕寢。又有承衣刀人。皆趨侍左右。並無

員數。視六品以下。時又增置女官。準尚書省以六局。管二十四司。一曰。尚官局。管司言。掌宣傳奏啓。司簿。掌名錄計度。司正。掌格式推罰。司闈。掌門閣管籥。二曰。尚儀局。管司籍。掌經史教學。紙筆几案。司樂。掌音律。司賓。掌賓客。司贊。掌禮儀贊相導引。三曰。尚服局。管司壘。掌琮璽符節。司衣。掌衣服。司飾。掌湯沐巾櫛。玩弄。司仗。掌仗衛戎器。四曰。尚食局。管司膳。掌膳羞。司醞。掌酒醴醢醢。司藥。掌醫巫藥劑。司膳。掌廩餼。炭。五曰。尚寢局。管司設。掌牀席帳帷鋪設洒掃。司輿。掌輿輦傘扇。執持羽儀。司苑。掌園籞。種植蔬菜瓜果。

司燈掌火燭六日。尚工局管司製。掌營造裁縫。司寶掌金玉珠璣錢貨。司綵掌繒帛。司織掌織染。六尚十二司。員各二人。唯司樂司膳。員各四人。每司又置典及掌以式其職。六尚十人。品從第五。司二十八人。品從第六。典二十八人。品從第七。掌二十八人。品從第九。女使流外量局閑劇多者十人以下。無定員數。聯事分職。各有司存焉。

魏獻明皇后賀氏。東部大人野干女。生道武。皇始元年崩。後追加尊號。道武皇后慕容氏寶之季女。中山平入宮得幸。後立為皇后。

道武宣穆皇后劉氏。劉眷女。登國初。納為夫人。生明元。以鑄金人不成。故不登后位。魏故事。後宮產子。將為儲貳。其母皆賜死。道武末年。后以舊法崩。明元即位。追尊位。

明元昭哀皇后姚氏。姚興女。明元納為夫人。後薨。追贈后。

明元密皇后杜氏。魏郡鄴人。以良家子選入太子宮。生太武。拜貴嬪。薨。太武即位。追尊為后。

太武保母竇氏。初以夫家坐事誅入宮。明元命為太武保母。太武即位。尊為皇太后。

太武皇后赫連氏屈丐女。太武平統萬納之為貴人。後立為皇后。文成初崩。

太武景哀皇后賀氏代人。初為夫人生景穆薨。追贈貴嬪。

景穆恭皇后郁久間氏河東王毗之妹。以選入東宮。生文成薨。文成即位。追上尊號。

文成乳母常氏本遼西人。因事入宮。乳文成。帝即位。尊為皇太后。

文成文明皇后馮氏長樂信都人。父朗坐事誅。后遂入宮。以選為貴人。後立為皇后。獻文即位。尊為皇太

后

文成元皇后李氏梁國蒙縣人。太武南征得之。後入文成宮中。生獻文。拜貴人。後謚元皇后。

獻文思皇后李氏中山安喜人。以選入宮為夫人。生孝文。後追謚。

孝文貞皇后林氏平涼人。父勝坐法誅。遂入掖庭。生皇子恂。薨。追謚后。

孝文廢后馮氏太師熙之女。太和十七年立為后。後以寵衰廢為尼。

孝文幽皇后馮氏亦熙之女。入宮拜昭儀。後立為皇

后坐淫恣廢死葬以后禮

孝文文昭皇后高氏司徒公肇之妹以選入宮生宣武葬謚貴人宣武即位追上尊號

宣武順皇后于氏太尉烈弟勁之女選入宮為貴人帝即位立為后崩

宣武皇后高氏文昭皇后弟優之女入宮為貴嬪帝即位立為后明帝即位尊為皇太后

宣武靈皇后胡氏安定臨涇人司徒國珣女入掖庭為充華生明帝帝即位尊皇太妃後又尊為皇太后孝明皇后胡氏靈太后從兄盛之女帝即位立為皇

后武泰初入道為尼

孝武皇后高氏齊神武長女帝立納為后帝西幸關中降為彭成王妃

文帝文皇后乙弗氏河南洛陽人其先世吐谷渾渠帥父瑗文帝納為妃即位冊為皇后後帝結昏蠕蠕后遜居別宮為尼卒以嫌賜自盡

文帝悼皇后郁久閭氏蠕蠕主阿那瓌之長女蠕蠕屢犯邊帝乃納其女為后二年崩

少帝皇后宇文氏周文帝女帝為太子納為妃即位為皇后帝既廢崩后亦以忠於魏室罹禍

恭帝皇后若干氏。司空長樂正公惠之女。恭帝納之為后。後出家為尼。

孝靜皇后高氏。齊神武第二女。天平四年。聘為皇后。齊受禪。降為中山王妃。後再嫁于楊愔。

齊武明皇后婁氏。名昭君。贈司徒內干之女。神武聘之。既秉政。封渤海王。拜為王妃。凡孕六男二女。文宣受禪。尊為皇太后。

蠕蠕公主。蠕蠕主郁久間阿那壞之女。神武以蠕蠕屢犯邊。聘其女。神武崩。文襄從其國法蒸焉。產一女。彭城太妃。爾朱氏榮之女。魏孝莊后。神武納為別室。

生子湊。後為尼。天保初。為太妃。為文宣所殺。

馮翊太妃鄭氏。名大車。初為魏廣平王妃。神武納之。生馮翊王潤。

文襄敬皇后元氏。魏靜帝之姊。初為世子妃。文宣受禪。尊為文襄皇后。居靜德宮。武平中崩。

文宣皇后李氏。名祖娥。趙郡李希宗女。為文宣妃。帝受禪。立為皇后。孝昭即位。號昭信皇后。武成即位。逼淫之。遂為尼。齊亡。入周。隋時卒。

北齊皇帝納后之禮。納采。問名。納徵。訖。告圓丘。方澤及廟。是日。皇帝臨軒。命太尉為使。司徒副之。持

節詣后。行官東向。奉璽綬。以冊授中常侍。皇后受冊於行殿。使者與公卿以下皆拜。有司備迎禮。太尉太保受詔而行。主人公服迎拜於門。使者入。升自賓階東面。主人升自阼階西面。禮物陳於庭。設席於兩楹間。童子以璽書板升。主人升跪受。送者拜於大門外。有司先于昭陽殿兩楹間。供帳為同牢之具。皇后服大嚴繡衣帶綬佩加幘。女長御引出。升畫輪四望車。女侍中負璽陪乘。鹵簿如大駕。皇帝服袞冕出。升御坐。皇后入門。大鹵簿位門外。小鹵簿入。到東上閣。施步障降車。席道以入。昭陽

殿前。至席位。姆去幘。皇后先拜。後起。皇帝後拜。先起。升自西階。詣同牢座。與皇后俱坐。各三飲訖。又各酌二爵。一盞。奏禮畢。后興南向立。皇帝御太極殿。王公以下拜表謝。又明日。以榛栗棗脩見皇太后於昭陽殿。擇日。群官上禮。又擇日。謁廟。皇帝使太尉先以太牢告。而後遍見群廟。

孝昭皇后元氏。開府元蠻女。初為常山王妃。孝昭即位。立為皇后。武成立。降居順成宮。齊亡。入周。隋時卒。弘德夫人李氏。趙郡李叔讓女。初為魏靜帝嬪。武成納之。生南陽王仁。為太妃。

武成皇后胡氏。安定胡延之女。生後主。武成立為皇后。後主立。尊為皇太后。

後主皇后斛律氏。左丞相光之女。初為皇太子妃。後主受禪。立為皇后。光被害。后廢。後為尼。齊亡。再適開府元仁。

北齊皇太子納妃禮。皇帝遣使納采。有司備禮物。會畢。使者受詔而行。主人迎于大門外。禮畢。會於廳事。其次問名納吉。並如納采。納徵則使司徒及尚書令為使。備禮物而行。請期則以太常宗正卿為使。如納采。親迎則太尉為使。三日。妃朝皇帝於

昭陽殿。又朝皇后於宣光殿。擇日。群臣上禮。他日。妃還。又他日。皇太子拜閣。皇太子及王聘禮納采。問名納吉。請期親迎。皆用羔羊一口。鴈一隻。酒黍稷米麵各一斛。納徵用玄三匹。纁二匹。束帛十匹。大璋一。虎皮二。錦綵六十匹。絹二百匹。羔羊一口。羊四口。犢二頭。酒黍稷稻米麵各十斛。從車者乘。後主皇后胡氏。隴西王長仁女。入宮為昭儀。斛律后廢。立為皇后。後以忤胡太后。廢為尼。齊亡後。亦改嫁。後主穆皇后。名邢利。本斛律氏從婢。入宮得幸。生皇子恒。胡皇后廢。立為后。齊亡。不知所終。

馮淑妃。名小憐。穆后從婢。穆后愛衰。妃有寵。封淑妃。齊亡入周。以賜代王達。

周文宣叱奴皇后。代人。周文帝為丞相。納之。生武帝。帝即位。尊為皇太后。

孝閔皇后元氏。名胡摩。魏文帝女。為岐陽公尚馬。及踐阼。立為皇后。帝被廢。后為尼。晉公護誅。上尊號為孝閔皇后。居崇義宮。隋革命。出居里第。大業時卒。

明敬皇后獨孤氏。太保衛公信長女。帝在藩。納為夫人。即位。立為皇后。崩。與帝合葬昭陵。

武成皇后阿史那氏。突厥可汗女。武帝時。突厥強。故聘其女為后。宣帝即位。尊為皇太后。

武皇后李氏。名娥姿。楚人。江陵平。沒入宮。周文以賜武帝。得幸。生宣帝。宣政元年。尊為帝太后。

宣皇后楊氏。名麗華。隋文帝長女。帝為太子。納為妃。即位。立為后。靜帝即位。為皇太后。

宣帝后朱氏。名滿月。吳人。其家坐事。沒入東宮。宣帝幸之。生靜帝。立為天元帝后。

宣帝后陳氏。潁川人。以選入宮。拜德妃。立為天左皇后。帝崩。出俗為尼。唐永徽初卒。

宣帝皇后元氏。名樂尚。河南洛陽人。開府晟之女。入

官為貴妃。後立為天右皇后。帝崩，出俗為尼。貞觀中卒。

宣帝皇后尉遲氏，名繁熾，蜀公迥之孫女。初適杞公亮子溫，以宗婦入廟。帝逼幸之，亮謀逆，誅，遂入宮為天右大皇后。帝崩，出俗為尼。開皇十五年卒。

靜帝司馬皇后，名令姬，消難之女，納為后。二年，隋文以後父奔陳，廢為庶人。後嫁為隋司州刺史李丹妻。隋文獻皇后獨孤氏，名伽羅，河南洛陽人。周大司馬衛公信之女。文帝受禪，立為皇后。仁壽二年崩。年五十九。

宣華夫人陳氏，陳宣帝女。陳亡，入掖庭。文獻后崩，進位為貴人。後拜宣華夫人。煬帝時卒。

容華夫人蔡氏，丹陽人。陳亡，以選入宮，拜為貴人。後加號容華夫人。煬帝時卒。

煬帝愍皇后蕭氏，梁明帝歸之女。文帝聘為晉王妃。煬帝即位，立為皇后。煬帝遇弒，後沒於寶建德。突厥可賀敦，隋義城公主，使迎之入虜庭。唐貞觀四年，破突厥，以禮致之，歸于京師，賜宅於興道里。二十一年，殂。詔以皇后禮，合葬於揚州煬帝陵。

隋皇太子納妃禮。皇帝臨軒，使者受詔而行。主人

俟於廟門。使者執鴈。主人迎拜於大門之東。使者入升自西階。立於楹間。南面納綵。訖。仍行問名儀。事畢。主人請致禮於從者。禮有幣馬。其次擇日納吉。又擇日以玉帛乘馬納徵。又擇日告命。又擇日命有司以特牲告廟。冊妃皇太子。將親迎。皇帝臨軒。醮而誡曰。往迎爾相。承我宗事。勗帥以敬。對曰。謹奉詔。既命。羽儀而行。主人几筵於門外西面拜。皇帝太子各拜。主人揖皇太子先入。主人升立於阼階西面。皇太子升進當房戶前北面。跪奠鴈。俛伏興拜。降出。妃父進西面戒之。母於西階上施衿。結帨。及門內施鞶申之。出門。妃升輅。乘以几。姆加幪。皇太子乃馭輪三周。馭者代之。皇太子出大門。乘輅。羽儀還宮。鷄鳴。夙興。以妃朝。奠筭音煩於皇帝。皇帝撫之。又奠筭於皇后。皇后撫之。席於戶牖間。妃立於席西。祭奠而出。

唐舊制。皇后之下有貴妃。淑妃。德妃。賢妃。各一人。為夫人。正一品。昭儀。昭容。昭媛。脩儀。脩容。脩媛。充儀。充容。充媛。各一人。為九嬪。正二品。婕妤。九人。正三品。美人。九人。正四品。才人。九人。正五品。寶林。二十七人。正六品。御女。二十七人。正七品。綵女。二十七人。正八品。

以備周禮六宮之數。其外又有尚官、尚儀、尚服、尚食、尚寢、尚功、分掌宮中服御藥膳之事。官正糾僇失形。史紀功書過。龍朔二年改易官名。置贊德二人。正一品。以代夫人。宣儀四人。正二品。以代九嬪。承門五人。正四品。以代美人。承旨五人。正五品。以代才人。衛仙六人。正六品。以代寶林。供奉八人。正七品。以代御女。持節二十人。正八品。以代綵女。又置侍巾三十人。正九品。咸亨二年復舊。高祖太宗除隋之亂政。未下車而大放宮女。正位配尊。惟其舊德。官閭之職。備員而已。所謂刑于內以正乎外。及高宗永徽之後。政出宮

中。公卿大夫罔不憚服。其取威也多。山陵未畢而冢嗣再廢。遂掘翦皇室。改立宗社。非一朝一夕之故。其所由來漸矣。及中宗追王韋氏。崇寵三思。使以先朝故事尊誘之。於是慶雲之瑞。宣于朝廷。桑女之歌。布於天下。防閑之道大壞。逆亂之謀構矣。卒以禍敗。為後王誡。玄宗即位。大加懲革。內外有別。家道正矣。按杜氏通典。內官有惠妃、麗妃、華妃。正一品淑儀、德儀、賢儀、婉儀、芳儀。六人。正二品美人四人。正三品才人七人。正四品與正史所載率皆不同。其名號亦有見於國史。但不詳所出。今疏之於後。以示廣記。

容齋洪氏隨筆曰。自漢以來。帝王妃妾之多。唯漢靈帝。吳歸命侯。晉武帝。宋蒼梧王。齊東昏陳後主。晉武至於萬人。唐世明皇為盛。白樂天長恨歌云。後宮佳麗三千人。杜子美劔器行云。先帝侍女八千人。蓋言其多也。新唐史所叙。謂開元天寶中。宮嬪大率至四萬。嘻。其甚矣。隋大業離宮徧天下。所在皆置宮女。故裴寂為晉陽宮監。以私侍高祖。及高祖義師經過。覈悉罷之。其多可想。

吳氏能改齋謾錄曰。忽看金輿向月陂。宮人按

着便相隨。恰從中尉門前過。當處教看卧鴨池。王建宮詞也。按唐著作佐郎崔令欽教坊云。左右兩教坊。右多善歌。左多工舞。外有水泊。俗號月陂。陂形如偃月也。故王建述此。又言妓女入宜春院。謂之內人。亦曰前頭人。常在上前頭也。其家得在教坊。謂之內人。四季給米得幸者。謂之十家。故王建又宮詞云。內人對御疊花箋。內人唱好龜茲急。內人相續報花開。內人籠脫繫紅條。內人恐要秋衣着。內人爭乞洗兒錢。

高祖太穆順聖皇后竇氏。京兆平陵人。父毅。周上柱

文獻通考卷一百五十四 二十二
國歸于高祖。隋大業時崩于涿郡。年四十五。高祖即位。追謚皇后。

太宗文德順聖皇后。長孫氏。河南洛陽人。父晟。歸于太宗。帝即位。為皇后。貞觀十年崩。年三十六。

太宗賢妃徐惠。湖州長城人。帝聞其文名。召為才人。永徽元年卒。

高宗廢后王氏。并州祁人。初納為晉王妃。即位。立為皇后。永徽六年。為武才人所譖。廢為庶人。後為武氏所殺。

高宗則天順聖皇后武氏。并州文水人。父士護。初為太宗才人。帝崩。與嬪御皆為尼。高宗見而悅之。召之宮中。生四子。譖廢王皇后。遂立為后。稱天后。高宗崩。為皇太后。臨朝。

中宗和思順聖皇后趙氏。京兆長安人。父瓌。帝為英王。聘為妃。後為武氏所殺。神龍初。追謚后。中宗崩。韋庶人既廢。有司乃請以后祔定陵。中宗庶人韋氏。京兆萬年人。父玄貞。帝在東宮。被選為妃。嗣聖初。立為后。後隨帝遷房陵。帝復位。復正中宮。唐隆元年。弒帝。臨淄王隆基討而誅之。追廢為庶人。尚官昭容。名婉兒。父儀。得罪死。沒入掖庭。武后時掌。

內詔命。中宗復位。拜昭容。後以韋氏黨。為臨淄王所誅。

睿宗肅明順聖皇后劉氏。帝在藩。納為妃。即位。立為皇后。帝降。號皇嗣。復為妃。後為武后所殺。景雲元年。追謚。

睿宗昭成順聖皇后竇氏。父孝湛。帝即位。為德妃。生玄宗。與劉后俱為武后所殺。葬于宮中。秘莫知。帝崩。並招魂。祔葬橋陵。

初。太常加謚曰。大昭成。或言法宜引聖真冠謚。而曰。大昭成。非也。以單言配之。應曰。聖昭。若睿成以

復言配之。應曰。大聖昭成。聖真昭成。又引太穆皇后始謚穆。及高祖崩。合帝謚曰。太穆。追增太穆神皇后。文德皇后。始謚文德。及太宗崩。合謚文德聖皇后。又援范曄著漢光烈等為比。太常謂曄以帝號標后謚。是史家記事體婦人。非必與夫同也。入廟稱后。繫夫在朝。稱太繫子。文母生號也。文王既沒。謚也。周公豈以夫從婦乎。漢法不可以為據。制曰。可。天寶八載。制詔自太穆而下六皇后。並增上順聖二謚云。

玄宗皇后王氏。同州下邽人。梁冀州刺史所念裔孫。

帝為臨淄王聘為妃。即位立為皇后。開元十二年。以罪廢為庶人。寶應初。追復后號。

玄宗貞順皇后武氏。父攸止。幼入宮。帝即位得幸。封惠妃。禮秩比皇后。生壽王瑁。薨。贈皇后及謚。

玄宗元獻皇后楊氏。父知慶。帝在東宮為良媛。生肅宗。為貴嬪。肅宗即位。追謚皇后。

玄宗貴妃楊氏。蒲州永樂人。父玄琰。幼孤。養叔父家。始為壽王妃。帝悅之。乃令其丐為女官。號太真。潛納之宮中。天寶初冊貴妃。安祿山反。上幸蜀。陳玄禮等誅楊國忠。賜妃死。時年三十八。

肅宗廢后庶人張氏。鄧州向城人。父去逸。帝在東宮為良娣。乾元初拜淑妃。繼立為皇后。帝大漸。后謀廢太子。李輔國等矯詔廢而殺之。

肅宗章敬皇后吳氏。濮州濮陽人。父令珪。坐事死。故后幼入掖庭。玄宗以賜帝。幸之。生代宗。年十八薨。代宗即位。追尊為后。合葬建陵。

代宗貞懿皇后獨孤氏。父頴。帝即位冊貴妃。生韓王迥。大曆十年薨。追號為皇后。

代宗睿真皇后沈氏。吳興人。開元末以良家子入東宮。太子以賜廣平王。生德宗。天寶亂。賊囚后東都王。

文獻通考卷一百五十四 二十五
入洛。方北討。而河南再為史思明所陷。遂失太后所
在。德宗立。訪求不得。建中初。上皇太后尊號。憲宗即
位。詔以大行啓殯。日為后發哀。內殿上。太皇太后謚
冊。祔代宗廟。

德宗昭德皇后王氏。本仕家。帝為魯王時。納為嬪。生
順宗。既即位。冊號淑妃。貞元三年。冊為后。其年后崩。
德宗賢妃韋氏。以戚里舊族。為良娣。德宗貞元四年。
冊拜賢妃。帝崩。自表留奉宗陵園。元和時薨。

順宗莊憲皇后王氏。琅邪人。代宗時。以良家選入宮。
為才人。順宗在藩。以才人賜之。生憲宗。冊為良娣。憲

宗內禪。尊為太上皇后。

憲宗懿安皇后郭氏。汾陽王子儀之孫。父璣。憲宗為
廣陵王。聘以為妃。生穆宗。元和元年。進冊貴妃。群臣
請立為后。帝以掖庭多嬖豔。恐后得尊位。鉗掣不得
肆。故終不立。穆宗嗣位。尊為皇太后。

憲宗孝明皇后鄭氏。丹陽人。初為李錡侍人。錡反。誅
入掖庭。帝幸之。生宣宗。宣宗為光王。為王太妃。帝即
位。尊為皇太后。

穆宗恭僖皇后王氏。越州人。本仕家子。侍帝東宮。生
敬宗。長慶時。冊為妃。敬宗立。尊為皇太后。

穆宗貞獻皇后蕭氏。閩人。穆宗為建安王。后得侍。生文宗。文宗立。尊為皇太后。

穆宗宣懿皇后韋氏。失其先世。穆宗為太子。得侍。生武宗。長慶時。冊為妃。武宗立。妃已亡。追冊為皇太后。尚宮宋若昭。興州清陽人。世以儒聞。父廷芳。能辭章。生五女。皆警慧。善屬文。長若華。次若昭。若倫。若憲。若荀。莘。昭文。尤高。皆不肯與寒鄉。凡裔為姻。對貞元中。昭義節度使李抱真。表其才德。德宗召入禁中。試文章。經史大義。悉留之。宮中。高其風操。不以妾侍命之。呼學士。若莘卒。若昭嗣。拜尚宮。歷憲。穆敬三朝。皆呼

先生。后妃與諸王。率以師禮見。昭寶歷初卒。若憲代。司秘書。後以罪賜死。

敬宗貴妃郭氏。父義。長慶時。妃以容入太子宫。太子即位。為才人。生晉王。晉進為貴妃。文宗時薨。

武宗賢妃王氏。邯鄲人。失其世。年十三入宮。穆宗以賜穎王。王嗣位。進號才人。帝崩。才人亦自盡。宣宗嘉之。贈賢妃。

宣宗元昭皇后晁氏。不詳其世。少入邸。見寵。帝即位。為美人。生懿宗。大中時薨。贈昭容。懿宗立。追尊為皇太后。

懿宗惠安皇后王氏亦失所來咸通中冊貴妃生晉
王七年薨後王即位為僖宗追尊為皇太后
懿宗淑妃郭氏幼入鄆王邸即位以為美人進拜淑
妃黃巢之亂流落不知所終
懿宗恭憲皇后三氏其出至微咸通中得幸生壽王
王立是為昭宗追號皇太后
昭宗皇后何氏梓州人系族不顯帝為壽王納之即
位號淑妃後冊為皇后帝遇弒哀帝即位尊為皇太
后後卒為朱全忠所害
文獻通考卷之二百五十四

文獻通考卷之二百五十五

鄱陽馬端臨貴與著

帝系考

后妃

開元禮皇帝納后儀

告圓丘

卜日告圓丘方澤並如時巡告祭儀其祝文臨時撰
臨軒命使

將行納綵制命太尉為使者宗正卿為副使吏部承
以戒之期各納徽納吉告前一日尚書舍奉御設幄

座於太極殿如常。守官設群官客使等諸應陪位者。次於東西朝堂。太樂令展宮懸於殿庭。設舉麾位於殿上。一位於懸下。鼓吹令設十二案。乘黃令陳車輅。尚輦奉御陳輿輦。皆如元日之儀。典儀設文官一品以下。五品以上位於懸東。六品以下於橫街南背。重行西面北上。設武官一品以下。五品以上位於懸西。六品以下於橫街南當文官。皆重行東面北上。設朝集使位。各分方於文武官當品之下。設諸親位於四品五品之下。皇帝親在東。異姓親在西。設蕃客位。各分方於朝集使六品之南。諸州使人分方位於朝集使九品之後。

設典儀位於懸東北。贊者二人在南少退。俱西向。設使者受命位於大橫街南道東。副使又於其東少退。俱北面。奉禮設門外位於東西朝堂。如元日儀。其日諸衛勒所部列黃麾仗如掌儀。群官依時刻集朝堂。俱就位。各服其服。通事舍人引就朝堂前位。侍中量時刻板請中嚴。鈇戟近仗入陳於殿庭。太樂令帥工人就舞位。協律郎入就舉麾位。諸侍衛之官各服其器服符寶。俱就閤奉迎。典儀帥贊者先入就位。通事舍人引群官入就位。又引使副入立於太極門外道東西面。黃門侍郎引主節執幡節。中書侍郎引制書。

按立於左延明門內。道北西面北上。侍中板奏外辦。皇帝服袞冕御輦以出。曲直華蓋警蹕。侍衛如常儀。皇帝將出。仗動。出自西房。即御座南向。符寶即奉寶。置於御座如常。通事舍人引使主副入就位定。典儀曰。再拜。贊者承傳。群官在位者皆再拜。侍中前制降。詣使者東北西面稱有制。使主副俱再拜。侍中宣制曰。納某官女為皇后。命公等持節行納絲等禮。宣訖。使主副又再拜。侍中還侍位。黃門侍郎引主節於使者東北西面授使者。使者受付主節。主節立於使後。黃門侍郎退。中書侍郎引制書案立於使者東北西

面。中書侍郎取制書。

持按退自使後立於使者之左

西面授使者。使

者受制書置於案。持案者退立於使後。中書侍郎退。典儀曰。再拜。贊者承傳。群官在位者皆再拜。舍人引使者主副出。持節者前導。持案者次之。侍中前跪。奏稱侍中某臣言禮畢。俛伏興還侍位。皇帝降座。御輦入自東房。侍衛警蹕如來儀。舍人引群官在位以次出。初使主副乘輅備儀仗而行。鼓吹備而不作。從者乘車以從。其制書油絡網犢車載而行。自後皆如之。

納絲

前一日。守宮設使者次於后氏大門外道右南向。其

日大昕使主副至於后氏大門外。掌次者迎入次。凡

主及行事主人受於廟。無廟者受於正寢。掌事者設神席於

室戶外之西莞筵。紛純如藻席。畫純南向。右雕几。使

主副出次。謁者引立於大門外之西東門北。上持幡

節者立於使者之北。少退東面。令史二人對舉制案。

立於使者之南。執鴈者又在其南。俱東面。主人立於

大門內西面。儼者立於主人之左北面。受命出立門

東西面曰。敢請事。使者曰。某奉制納綵。儼者入告主

人曰。臣某之女。若如人。既蒙制訪。臣某不敢辭。儼者

出告。入引主人出迎使者於大門外之南北面。主人

再拜。使者不荅拜。主人揖使者先入於階。使者及宗

正卿入。幡節先導。其持節案及執鴈者從入。幡節立

西階之西東門。自後幡節皆如之。使者由西階升於兩楹間

南面。使副在使者西南。執案及執鴈者在使副西南。

俱東面。主人升阼階。詣使者前北面。持案者以案進

使副前。使副取制書。持案者退復位。使副奉制書進

授使者。退復位。持節者脫節衣。使者曰。有制。主人再

拜。宣制畢。主人降詣階間。北面再拜稽首訖。升進北

面受制書。退以授左右。仍北面立。使副取鴈以授使

者。退復位。使者受鴈。主人再拜。進受鴈。退以授左右。

仍北面立。儼者引二人對舉卷表案。進於主人後少西。儼者取表以授主人。主人進授使者訖。退復位。再拜。持節者加節衣。謁者引使者及使副等。降自西階以出。

制文

凡六禮皆以版長一尺二寸博四寸厚八分。后家各版亦如之。

皇帝曰。咨具官封姓。渾元資始。肇經人倫。爰及夫婦。以奉天地宗廟社稷。謀于公卿。咸以為宜。率由舊典。今使持節太尉封某宗正卿封某以禮納綵。

答文

皇帝嘉命。訪婚陋族。備數采擇。姑姊妹則云先未聞臣某官之遺女未聞

教訓衣履。若如人。欽承舊章。肅奉典制。某官封臣姓名。稽首頓首。再拜承制詔。

問名

使者既出。遂立於內門外之西。東向。並如納綵位。初。使者降。主人降。立於內門內東廂西面。儼者進受命。出請事。使者曰。將加卜筮。奉制問名。儼者入告主人。曰。臣某之子若如人。既蒙制訪。臣某不敢辭。儼者出告。入引主人出迎使者至。主人受鴈訖。出如納綵儀。使者出立於內門之西。使副在南少退。俱東面。初。使者降。主人使者立於東階下西面。儼者進受命。出請

事。使者曰。禮畢。僎者入告主人曰。某公奉制至於某之室。某有先人之禮。請禮從之。僎者出告使者曰。某既得命。將事敢辭。僎者入告主人曰。先人之禮。敢固以請。僎者出告使者曰。某辭不得命。敢不從。僎者入告。遂引主人升。立於序端。掌事者徹几。改設二筵。東上。各用莞筵。紛純。嘉藻。績席。純。設饗醴於東房。西牖下。加勺。罍。站。

在罇北。實解二。角。柶二。各一。籩。一。豆。實以脯醢。在站北。又設洗於東階東南。如常。訖。僎者引主人降。迎使者於內門外之東西面。揖使者先入。使者入門而左。副從之。主人入門而右。至階。主人曰。請某位升。使者

曰。某敢辭。主人曰。固請某位升。使者曰。某敢固辭。主人曰。終請某位升。使者曰。某敢終辭。主人升。阼階。使者升。西階。副從升。俱北面。主人阼階上北面再拜。使者及副西階上北面答再拜。主人受几於序端。掌事者內拂几三。奉兩端西北向以進。主人東南向外拂几三。振袂內執之。掌事者又一人。又執几以從。主人進西北向。使者序進。迎受於筵前。東南向以俟。主人還東階上北面再拜送。使者以几筵進。北面跪。各設於座。羞退於西階上北面東上。俱答再拜。立於階西東面南上。贊者二人俱升。取解降。與手洗解升。實醴

加柶於觶。覆之。而葉。出房南面。主人受醴。面柶進。使者筵前西北面。又贊者執觶以從。使者西階上北面。各一拜。序進筵前東南面。主人又以次授醴。使者受。俱復西階上位。主人退復東階上北面。一拜送掌事者。以次薦脯醢於筵前。使者各進升筵。皆坐。左執觶。右取脯。擣於醢。祭於籩豆間。各以柶祭醴三。始板一祭。又版再祭。興。各以柶兼諸觶上。獵降筵於西階上。俱北面坐。俱啐醴。建柶。各奠觶。遂拜執觶。主人答拜。使者進升筵坐。各奠觶於薦東。降筵。序立於西階上。東面南上。掌事者牽馬入陳於門內三分庭。一在南。北首西上。又掌事者奉幣升東階以授主人。主人受於序端。進西面。掌事者一人。又奉幣篚立於主人之後。使者西階上俱北面再拜。主人進詣楹間南面立。使者序進立於主人之西。俱南北。主人以幣篚授使者。使者受。退立於西階上東面。掌事者又以幣篚授主人。主人受以授使副。使副受。退立於使者北。俱東面。主人還東階上北面拜送使者。降西階。從者迓受幣。使者當庭實揖。馬出牽馬者從出。使者出大門之外。西東面立。從者迓受馬。主人出門東西面再拜送使者。退。主人入立於東階下西面。僮者告主人曰。賓

不顧矣。主人反於寢。使者奉荅表詣闕進。

制文

皇帝曰。咨某官封姓。兩儀配合。承天統物。正位乎內。必俟令族重章舊典。今使使持節太尉封某宗正卿封某。以禮問名。

荅文

皇帝嘉命使者某。重宣中制。問臣名族。臣女夫婦所生。先臣故某官之遺玄孫。先臣故某官之遺曾孫。先臣故某官之遺孫。先臣故某官之外孫女。年若干。欽承舊章。謹奉典制。某官某臣姓某。稽首頓首再拜。承

制詔

若女祖以上在則直云某官臣之孫女等語

納吉

前一日守宮設使者次。以下至主人立於大門內西面。如納綵儀。儼者進受命。出請事。使者曰。加諸卜筮。占曰。從制某也。納吉。儼者入告。主人曰。臣某之女若如人。龜筮云吉。臣占在馬。臣某謹奉典制。儼者出告。入引主人出迎使者於大門外。以下至使者降自西階以出。如納綵儀。使者出立於內門外之西。使副在南少退。俱東面。初使者降。主人立於東階下西面。儼者進受命。出請事。使者曰。禮畢。其儼使者。如問名之

儀

制文

皇帝曰。咨某官姓人。謀龜從。僉曰。貞吉。敬順典禮。今使使持節太尉封某宗正卿。封某以禮吉。

答文

皇帝嘉命使者某。重宣中制。太卜元吉。臣陋族卑鄙。憂懼不堪。欽承舊章。肅奉典制。某官臣姓某。稽首頓首再拜。承制詔。

納徵

前一日。守宮設使者次如初。其日大昕。使主副至。后氏大門外。掌次者延入次。執事者入布幕於內門外。玄纁束帛陳於幕上。六馬陳於幕南北首。西上。執事者奉穀珪以匱俟於幕東西。掌事者設几筵如初。使主副出次。謁者引立於大門之外。西東南面。北上。持幡節者立於使之北。少退東面。令史二人對舉制案。立於使副南東面。主人立於大門內西面。僎者進受命。出請事。使者曰。某奉制納徵。僎者入告。主人曰。奉制賜臣以重禮。某祇奉典制。僎者出告。入引主人出迎使者於大門外之南北面。主人再拜。使者不答拜。謁者引使者及使副入。幡節前導。持案者從入。使者

入門而左。主人入門而右。至於內門。使者副立於門西東面北上。主人立於門東西面。僎者引主人揖使者。先入門至階。使副從入。由西階升。立於楹間南面。使副在使者西南。持案者在使副西南。俱東面。主人由阼階詣使者前北面立。執事者坐啓匱。取珪加於玄纁上。及牽馬者從入三分庭。一在南北首西上。執珪者在馬西俱北面。持案者以案進使副前。使副取制書持案。退復位。使副奉制書進授使者。退復位。持節者脫節衣。使者曰。有制。主人再拜。使者宣制畢。主人降詣階間北面再拜稽首訖。升。進北面受制書。退以授左右。仍北面立。僎者引二人對舉。各表案進。主人後少西。僎者取表以授主人。主人受以授使者訖。退復位。再拜。謁者引使者及使副等。降自西階以出。立於內門外之西。使副在南少退。俱東面。初主人受制書訖。左右受玉帛於庭。受馬者自左受之。以東牽馬者。既受馬。自前面而出。主人降立於東階下西面。僎者進受命。出請事。使者曰。禮畢。其僎使者如納吉之儀。

制文

皇帝曰。咨某官姓之女。有母儀之德。窈窕之姿。如山

如河。宜奉宗廟。永承天祚。以玄纁車馬。以章典禮。今使使持節太尉封某宗正卿。封某以禮納徵。

答文

皇帝嘉命使者某。重宣中制。降婚卑陋。崇以上公。寵以豐禮。備物典冊。欽承舊章。肅奉典制。某官臣姓名稽首頓首再拜承制詔。

告期

前一日。守宮設使者次。以下至出請事。如納綵儀。使者曰。制使某告期。僎者入告主人曰。臣某謹奉制。僎者出告。入引主人出迎。使者以下至禮畢。如納綵儀。

制文

皇帝曰。咨某官姓。謀於公卿。大筮元龜。罔有不臧。率遵典禮。今使使持節太尉封某宗正卿。封某以禮告期。

答文

皇帝嘉命使者某。重宣中制。告曰。惟某月某日可迎。臣欽承舊章。肅奉典制。某官臣姓某稽首頓首再拜承制詔。

告廟

有司以特牲告。如常告禮。祝文臨時撰。

冊后

前一日。守宮設使者次於后氏第大門外之西如常。尚舍設尚宮以下次於后氏閤外道西東向。障以行帷。其日臨軒命使如納綵命使之儀。太尉為正使。司徒為副使。奉禮設使者位於大門外之西東向。使副及內使位於使者之南。舉冊案及寶綬者在南。差退。持節者在使者之北。少退。俱東面。設主人位於大門外之南北面。設使者以下及主人位於內門外。亦如之。設內謁者監位於內門外。主人之南西面。謁者監設司贊位於東階東南。掌贊二人在南。差退。俱西向。內謁者監又

先置一案於閤外近限。使主副乘輅持節備儀仗鼓吹。備而不作。至后氏大門外。使者降輅。掌次者延人次。尚宮以下至客之次內。僕進重翟以下。大門外道西東向北上。諸衛令其屬布后儀仗如常。使者出次。謁者引使者以下。就門外位。主人朝服出立於東階下西面。儼者進受命。出門東西面曰。敢請事。使者曰。某奉制授皇后備物典冊。儼者入告。遂引主人出迎於大門外。面北再拜。使者不荅拜。謁者引使者入門而左。持節者前導。持案者次之。主人入門而右。至內門外各就位。立定。奉冊寶案者進當使副前。使副受

冊寶持案者退復位。使副以冊寶進授使者。退復位。
內侍進使者前西面受冊寶。東面授內謁者。監復位。
內謁者監持冊寶入。立於閣外之西東面。跪置冊寶
於案。俛伏興。上官以下入閣奉后首飾。禕衣。其衣服
所司先進傳姆贊出。尚官引降立於庭中北面。尚官跪取冊。
尚服跪取寶綬興。立於后之右。少前西向。司言司寶
各一人。進於后左。少前東向。尚官稱有制。尚儀贊皇
后再拜。皇后再拜。宣冊訖。尚儀又贊皇后再拜。皇后
再拜。尚官奉冊進授皇后。皇后受以授司言。尚服又
奉寶綬進授皇后。皇后受以授司寶。訖。尚儀贊皇后
升座。尚官引皇后升座南向坐。內官以下俱降立於
庭。重行北向西上。立定。司贊曰。再拜。掌事承傳內官
以下皆再拜訖。諸應侍衛者各升。立於侍位。尚儀前
跪奉稱禮畢。皇后降座。尚官引皇后入於宮。主人儼
使者如告期之儀。前使者乘輅而還。詣闕復命。

冊文

維某年月日。皇帝使使持節太尉封某司徒封某。冊
命某官女某氏為皇后。咨爾易階乾坤。詩首闕睢。王
化之本。實由內輔。是故皇英嬪虞。帝道以光。大姪妣
姬。周胤克昌。皇后其祗勛厥德。以肅承宗廟。虔恭中

饋。盡敬于婦道。師道于六宮。作範儀于四海。皇天無親。惟德是依。可不慎歟。

命使奉迎

其日。晡後。侍中量其時刻。版奏請中嚴。晡後三刻。皇帝服袞冕。出升所御殿。宮人侍衛如常。文武之官。五品以上。立於東西朝堂。如常儀。奉迎前一日。守宮設使者。次於大門外道右。設使副及內侍。次於使者次西。俱南向。尚舍設宮人次於閣外道西。奉禮設使者位於大門外之西。東向。使副位於使者之南。持案及執鴈者。又在南。差退。持節者在使者北。少退。俱東向。

奉禮位於使副西南。贊者二人在南。差退。俱東面。設內侍位於大門外道左西面。其日。司贊設宮人以下位於堂前。使主副朝服發朝堂。乘輅持節。備儀仗至大門外。使者降輅。掌次者延入位。宮人等各之次奉迎。文武官至宿衛及列鹵簿。如常儀。尚儀奏請皇后中嚴。量時刻。姆傳導皇后。尚宮前引出升堂。宮人等侍衛如常儀。皇后將出。主婦出於房外之西南。文武奉迎者。皆陪立於大門外。文東武西北上。位定。謁者引使者謁大門外位。使副內侍等各就位。主人立於內門外堂前。東階下西面。儻者受命出請事。使者曰。

某奉制以今吉辰率職奉迎。儂者入告。主人曰。臣謹奉典制。儂者出告。入引主人出門南。北面再拜。使者不答拜。謁者引使者入門而左。持節者前導。使副及持案執鴈者次之。主人入門而右。至內門外堂西階。使者先升立於兩楹間南面。使副在使者西南。持案及執鴈者在使副西南。俱東面。主人升東階。謁使者前北面立。持案者以案進使副前。使副取制書。持案者退復位。使副奉制書授使者。退復位。使者曰。有制。主人再拜。使者宣制畢。主人降詣階間北面再拜稽首訖。升進北面受制書。退授左右訖。主人再拜。進受鴈授左右。仍北面立。儂者引二人對舉。各表案進立於主人後。少西。儂者取表以授主人。主人受以授使者。訖。退復位再拜。謁者引使者及使副降自西階以出。復門外位。立定。奉禮曰。再拜。贊者承傳。使主副俱再拜。使者曰。今日吉日。某等承制率職奉迎。內侍受以入。傳於司言。司言受以奏聞。尚儀奏請皇后再拜。皇后再拜訖。主人升自東階進西面。誡之曰。戒之敬之。夙夜毋違命。主人退立於東階上西面。毋誡於西階上。施衿結帨曰。勉之敬之。夙夜無違命。訖。腰輿進。皇后升輿以降。尚宮前導。六尚以下侍衛如常。皇后

升重翟以几。姆加幪。內官侍從及內侍導引應乘車。從者如鹵簿常儀。迎使及百官當引。從者皆退。隨便立。皇后車出大門外。以次乘車馬引從如常。

制文

皇帝曰。咨某官姓。歲吉月令吉日。惟某率由典禮。今遣使持節太慰封某宗正卿。封某以禮迎。

答文

皇帝嘉命使者某。重宣中詔。令月吉辰。備禮以迎。螻蟻之族。猥承大禮。憂懼戰悸。欽承舊章。夙奉典制。某官臣姓某。稽首頓首再拜承詔制。

同牢

其日內侍之屬。設皇后大次于皇帝所御殿門外之東南向。鋪座如常。將夕。尚寢設皇帝御幄於所御之殿室內之奧。東向。鋪地席重茵。施屏障。初昏。尚食設洗於東階東南。東西當東。雷南北。以堂深壘水在洗東。篚在洗西南肆。篚實以巾。二爵二設后洗於東房近北。壘水在洗西。篚在洗東北肆。皆加勺。幕饌於東房西牖下。籩豆各二十四。簋簠各二十四。簠各三。皆加巾蓋。俎三。罇於室內北牖下。玄酒在西。加幕勺南柄。幕夏用。絺冬用。又罇於房戶外之東。無玄酒。坩在南。

加四爵合盃。

其器皆以漆惟

皇后重翟入大門。鳴鐘

鼓。

其鐘鼓所以先陳設鳴

鹵簿止於外。近侍應從者

如常。皇后從永巷至大次前。迴車南向。施步障畢。尚

儀進當車前跪奏。請降車。興退復位。皇后降車御輿。

司輿率繖扇等。司燈率執燭者俱布列前後。皇后入

就大次。嚴整訖。尚宮引皇后詣所御殿門外之東西

向立。尚儀跪奏外辨。請降座禮迎。皇帝降座。尚宮前

引詣門內之西東面揖后以入。尚食徹罇。幕酌玄酒

三注於罇。尚寢設席於室內之西東向。莞筵紛純如藻席績純次

入。立於罇西南向。皇帝盥於南洗。皇后盥於北洗。尚

食率其屬以饌入。設醬於席前。菹醢在其北。俎三入。

設於豆東。豕俎特於菹北。豆東俎醢之東尚食設黍于醬東。

稷稻梁又在東。設湑於醬南。饌要方也設對醬于東。對醬

也。設也菹醢在其南北上。設黍于豕俎。其西稷稻梁

設湑于醬北。尚食啓會却于簋簠之南。對簋簠于北。

啓發也豆房各加匕箸。尚寢設對席於饌東。尚食西面

跪奏饌具興。皇帝揖皇后。對席西面皆坐。尚食跪取

韭菹。搗醢授皇帝。又尚食跪取韭菹。搗醢授皇后。皇

帝及皇后俱受祭於豆間。尚食又取黍實於左手。遍

取稷稻粱反於右手授皇帝。又尚食取黍實於左手。遍取稷稻粱反於右手授皇后。皇帝及皇后俱受祭於豆間。尚食各以肺加於俎。司飾二人以巾授皇帝及皇后。俱悅手訖。尚食各跪品嘗饌訖。各移黍置於席上。以次授肺脊。皇帝及皇后皆食。三飯卒食。尚食二人俱盥手洗爵於房。入室詣酒罇所酌酒。進授皇帝及皇后。俱受爵祭酒。尚食各以肝從。皆奠爵振祭。齊之。尚食皆受實於菹豆。各取爵皆飲訖。尚儀俱進受虛爵奠於坫。再酌如初。三酌。用盃如再酌。尚食俱降東階洗爵。升酌於戶外。罇進北面。俱奠爵興。再拜。跪取爵祭酒。遂飲。卒爵奠爵。遂拜。執爵奠興。降奠於篚。還侍立。尚儀北面跪奏稱禮畢。興。皇帝皇后俱興。尚官引皇帝入東房。釋冕服御常服。又尚官引皇后入幄脫服。尚官引皇帝大尚食帥其屬徹饌於東房。如初。皇后從者餽皇帝之饌。皇帝侍者餽皇后之饌。

皇后表謝

皇后至宮之日。服展衣出。司言引尚官。尚官前導。及左右侍從如常。升正殿兩楹間北面立。又尚儀以謝表授皇后。又尚儀以案俟於前。皇后置表案上。尚官贊拜。皇后再拜訖。尚儀以表降殿授內侍。因中書以

聞初內侍出門。皇后降殿還寢如常。

朝皇太后

其日大昕所司設皇太后御座地席於所御之殿南。尚食帥司膳設側罇。甒醴於東房內東壁下。加勺。幕籩一豆一。實以脯醢。設於罇北。又設洗於罇西近北。壘水在洗西。筐在洗東北。肆實以中幕角。一解一。其日皇后夙興沐浴。尚儀版奏請皇后中嚴。質明六尚及諸侍衛官人俱詣寢殿奉迎。尚儀版奏外辦。皇后服偉衣。加首飾。御輿尚宮前導。降自西階以出。侍衛如常。至皇太后閣外。皇后降輿。障扇侍從如常。立於西廂。

東面。皇后將至。尚儀奏請皇太后中嚴。皇后既至。閣外。尚儀奏皇太后外辦。皇太后服褱衣首飾。司言引尚宮。尚宮引皇太后出。即御座前南向坐。侍從如常。皇后執筭棗栗脯脩。司言引尚宮。尚宮引皇后入升西階。北面再拜。跪進奠於皇太后座前。皇太后撫之。尚食進徹以東。司言引尚儀。尚儀引皇后入升西階。北面再拜。進跪奠筭於皇太后座前。皇太后撫之。尚食進徹以東。司言引尚宮。尚宮引皇后退。北面又再拜。司設設皇后席於戶牖之間。近北南向。司言引尚宮。尚宮引皇后立於席西南向。尚食於東房盥手洗。

觶酌醴加柶面柶出。進詣皇后席前北向立。皇后進北面再拜受醴。尚食薦脯醢於席前。皇后升席坐。左執觶。右取脯。搯於醢。祭於籩豆間。以柶祭醴三。始一板祭。又板再祭。加柶於觶面。葉興降席北面跪啐醴。建柶興北面再拜。進升席。跪奠觶於薦東。興降席。司言引尚宮。尚宮引皇后。自西階以出。御輿而還。侍從如來儀。初皇后出閣。尚儀跪奏稱禮畢。俛伏興還侍位。皇太后降座入室如常。

皇后受群臣賀

右如正冬賀儀。唯辭云。具官臣某等言。伏惟殿下。徽猷昭備。至德應期。凡厥黔黎。不勝慶躍。

皇帝會群臣

右如正冬會儀。唯樂備而不作。上壽辭云。具官臣某等言。皇后坤儀配天。德昭厚載。克榮萬葉。明嗣徽音。凡厥元庶。載懷鳧藻。臣等不勝慶抃。謹上千秋萬歲壽。

外命婦朝會

右如正冬朝會。唯賀辭云。某位妾姓等言。伏惟殿下。坤象配天。德昭厚載。率土含識。不勝抃舞。會辭唯嘉。謹上千萬歲壽。

群臣上禮

右如加元服上禮之儀

皇后廟見

前一日。皇后清齋於別殿。內官應役入廟者。俱清齋。一日於殿所。諸衛令其屬。晡後一刻。各以其方器服守衛廟門。與太樂工人。俱清齋一宿。前二日。尚舍直長。施皇后大次於太廟北門內之西。東向。周以行帷。尚舍奉御鋪御座。尚舍直長又量設內官以下。次於大次之後。守宮設外命婦妃主以下。次於廟北門外之西。道北南向。東上。周以行帷。設行事太尉以下。次

於齋坊之內。太樂令設宮懸之樂於廟庭。如式。前一日。右校清掃內外。內謁者監設皇后版位於樂懸之北。道西北向。設外命婦位於其次。前北面東上。奉禮設太尉以下及御使等位於內外。並如常儀。設酒罇之位於廟堂上前楹間。各於室戶之左。北向。每室鼻二罇。二。罇。二。春夏用雞彝。樽。秋冬用羊黃彝。著罇。山壘二。皆加勺。罍皆西上。各有站。以贊爵。設洗於東階。東南北向。以下至太祝。持版如加元服謁廟儀。太祝持版進於室戶外之右。東向。跪讀祝文曰。維某年。歲次月朔日子。孝曾孫開元神武皇帝某。太祖以下稱臣某。謹遣太尉封臣名。敢昭告于

皇祖某謚。皇后某氏。則太祖以下廟則稱妾某氏將神祇見。謹以一

元太武。明染鄉箕嘉蔬嘉薦醴齊敬薦尚饗。訖興。太

尉再拜。初讀祝文。樂作。太祝進跪奠版於神座前。俛

伏興。還罇所。太尉拜訖。樂止。謁者引太尉以次獻如

祖之儀。惟不盥洗徧獻訖。以下如加元服謁廟儀。唯執事

則每事訖還齋所。

車駕出宮

前出宮三日。本司宣攝內外各供其職。其日晝漏上

水四刻。車駕出宮。發引前七刻。槌一鼓為一嚴。三嚴

前一日内侍中奏裁發引前五刻。槌二鼓為再嚴。尚儀版奏請

中嚴。司贊設內命婦版。位於皇后所御殿閣外道東。

重行西向北上。內命婦各服其服。所司陳小駕鹵簿。

發引前二刻。槌三鼓為三嚴。司賓引內命婦各就位。

六尚以下各服其服。俱詣室奉迎。尚服負壘如式內僕進重

翟於閣外。尚儀版奏外辨。馭者執轡。皇后首飾禕衣

乘輿以出。警蹕侍衛如常儀。皇后升車。仗衛如常。六

尚等乘車陪從如式。司賓引內命婦退。隨近以俟。諸

翊駕之官皆乘馬。駕動稱警蹕如常。不鳴鼓角。諸衛

前後督攝如常。外命婦三品以上。及公主縣主皆先

至各就次。俱服其服。車駕將去。內外之屬守廟四門。

內謁者贊外命婦妃主等出次內典引引就位立駕
過引還次。初駕將至。內侍之屬守廟四門。駕至廟北
門迴車北向。尚儀進當前跪奏稱尚儀妾姓言。請降
車。興還侍位。皇后降車升輿入大次。繖扇華蓋侍衛
如常儀。鹵簿停於廟外。皇后停大次半刻頃。司言引
尚宮立於大次門外。當門西向。尚儀版奏外辦。皇后
出次侍衛如常。尚服負壘陪從如式。司言引尚宮。尚宮引皇后。
凡尚宮前導皆司言先引。至版位北向立。尚宮與司言退立於左。
皇后立定。尚宮前奏請再拜。皇后再拜。少頃。尚宮又
奏請再拜。皇后又再拜。見司言引尚宮。尚宮引皇后。

還大次。內侍版奏請解嚴。將士不得輒離部伍。皇后停大次。八
刻頃。搥一鼓為一嚴。轉仗衛於還途。如來儀。三刻頃。
搥二鼓為再嚴。尚儀版奏請中嚴。皇后改著鈿釵禮
衣。五刻頃。搥三鼓為三嚴。六尚以下詣大次。奏迎內
僕進重翟於廟北門外。尚儀版奏外辦。馭者執轡。皇
后乘輿出次。華蓋侍衛如常。皇后升車。鼓吹振作而
還。六尚等升車陪從。如來儀。皇后將出門。內謁者贊
引外命婦等出次。內典引引就位。駕至位所。內侍奏
請駕權停。外命婦再拜訖。內侍承令。令外命婦還外
命婦又再拜。車駕還內典引引外命婦各還第。駕至

所御殿閣外迴車南向。尚儀進當車前跪奏稱尚儀妾姓言。請降車。還侍位。皇后降車輿以出。侍衛如常。於車駕將至。司賓引內命婦俱就位。皇后既入。司賓引內命婦退。內侍版奏請解嚴。將士各還其所。

皇帝臨軒冊命皇后儀

卜日告圓丘方丘太廟並有司行事如常告儀

臨軒命使

將行冊禮。所司奏請太尉為使。司徒為副。前一日尚舍奉御設御幄於太極殿庭。陳設樂懸。內外官次。侍衛警蹕。並如納后儀。皇帝將出。仗動。太樂令令撞黃鐘之鍾。右五鍾皆應。協律郎跪俛伏興。舉麾鼓祝奏。

太和之樂。鼓吹振作。皇帝出自西房。即御座南向坐。符寶郎奉寶置於御座如常。樂止。通事舍人引冊使副入就位。太尉初入門。舒和之樂作。至位樂止。立定。典儀唱曰。再拜。贊者承傳命。群官在位者皆再拜。侍中前承制降請。使者前東北西面稱有制。冊使再拜。侍中宣制曰。冊某氏為皇后。命公等執節展禮。宣制訖。又俱再拜。侍中還侍位。黃門侍郎持節西面授太尉。太尉受付主節。立於使後。黃門侍郎退。中書侍郎引冊案及琮璽綬案。立於冊使東北面。中書侍郎取璽。侍案者退。自使後西面授太尉。太尉受冊置於案。

持案者退立於使者後。中書侍郎又取琮璽綬以授太尉。太尉受置於案。皆如受冊之儀。中書侍郎退。典儀曰。再拜。贊者承傳。群臣在位者皆再拜。通事舍人引冊使出。持節者前導。持案者次之。太尉初行樂作。出門樂止。侍中前奏稱。侍中臣某言禮畢。俛伏興還。侍位。皇帝降座。侍衛警蹕。如來儀。入自東房。樂止。通事舍人引群官在位者以次出。蕃客先出

皇后受冊

前一日。守宮於肅章門外道西近南。隨使設太尉司徒等次。東向北上。又於命婦朝堂設外命婦次如常。

尚寢率其屬於皇后正殿。設御幄座南向。又設皇后受冊位於殿庭階間北向。又設命婦等脫舄席於西階前。近西東向。太樂展宮懸之樂於殿庭。設麾於殿上西階之西東向。並如常。內僕進重翟以下於肅章門外道東西向。以北為上。其日依時刻。諸衛勒所屯門列仗。及陳布於皇后殿正南門之內。如常儀。典儀設冊使位於肅章門外之西東向北上。設內侍位於使副之南。舉冊案及琮璽綬者位南向。差退。俱東面。又設內給事位於北廂南向。又設內謁者監位於其東南西向。內謁者設外命婦位於命婦朝堂。分左右

廂。大長公主以下在東。太夫人以下在西。並每等異位。重行南向。以北為上。司贊設內命婦及內官。非供奉者。位於受冊正殿之庭東廂西向。重行北上。又設內命婦等朝位於殿庭御道東。行北面西上。又設外命婦朝位於殿庭御道左右近南。大長公主以下在東北。面西上。太夫人以下在道西。每等異位。重行北面。以東為上。又設司贊位於東階東南。典贊二人在南。差退。俱西向。內侍版奏。皇后請中嚴外。命婦依時刻。俱赴集朝堂次。各服其服。內謁者監先置二案於肅章門外近限。太尉司徒既受命。出至朝堂。俱乘輅。

備鹵簿鼓吹。持節如式。其冊琮璽綬。各以油絡網犢車載而行。內侍之屬。與所司守掌之。至永安門外降輅。謁者引入。持節者前導。持案者次之。掌次者俱引入次。內典引外命婦就朝堂位。司樂帥工人入就位。典樂升就舉麾位。司贊帥典贊先就殿庭位。內典引各引外命婦兩行。俱以次進。至肅章門。司賓接引進入。立於皇后正殿閣外。如朝堂之位。謁者引太尉以下就肅章門外。持節者立於太尉之北。少退東面。內謁者監引內給事就南面位。內謁者監退復位。內命婦等應陪列者。各服其服。司賓引就陪列位。尚儀

版奏外辦。皇后首飾禕衣。司言引尚宮。尚宮引皇后
出自正殿西房。侍衛警蹕如常儀。首飾禕衣典樂舉

麾奏正和之樂。凡樂皆典樂舉麾鼓祝而皇后至兩

楹間南向立定。樂止。初內給事既就南面位。太尉進

內給事前。北向跪稱太尉封臣某。司徒封臣某。奉制

授皇后備物典冊訖。俛伏興。退復位。內謁者監引內

給事詣肅章門傳告。司言。司言入詣皇后前跪奏訖

興。還侍位。初司言入奉冊琮璽綬者。以次進。當司徒

前。司徒取冊琮璽綬。以次進授太尉。舉案者以次退。

司徒授訖。退復位。內侍進太尉前西面。以次受冊琮

璽綬。東面授內謁者監。量以內謁者退復位。內謁者

監持冊琮璽綬等進。立於肅章門外。跪置冊琮璽綬

於案。俛伏興。初司言奏訖。尚儀贊皇后降。司言引尚

宮。尚宮引皇后。初行樂作。立定樂止。初皇后將降。又

尚宮詣門取冊。尚服詣門跪取琮璽綬。興進俱立入

於皇后之右。西向。司言司寶各一人。進立於皇后之

左。少前東向。尚宮稱有制。尚儀贊皇后再拜。尚宮宣

冊訖。尚儀又贊皇后再拜。尚宮奉冊進授皇后。皇后

受以授司言。尚服又奉琮璽綬。以次授皇后。皇后以

授司寶訖。尚儀贊皇后升御座。皇后御輿。繖扇侍衛

如常。皇后升。初行樂作。即御座南向坐。司璽奉琮璽置於御座。樂止。司賓引內命婦等陪列者以次進就北面位。為首者初行。典樂舉麾。舒和之樂作。至位樂止。司贊曰。再拜。掌贊承傳。內命婦皆再拜。司賓引為首者一人詣西階。初行樂作。至階樂止。為首者脫舄。升進當御座前。北面跪奏某妃妾姓等言。伏惟殿下坤象配天。德昭厚載。凡厥兆庶。不勝慶躍。訖。起。司賓引為首者自西階降。納舄。樂作。復位樂止。司贊曰。再拜。掌贊承傳。內命婦等皆再拜。司言前承令降。自西階詣內命婦西北東面。稱令旨。內命婦等皆再拜。宣令訖。在位者又再拜。司贊曰。再拜。典贊承傳。在位者皆再拜。司賓以次從。使出門。各還其寢。為首者初行樂作。至門樂止。司賓又引外命婦以次入。為首者初入門。舒和之樂作。至位樂止。立定。司贊曰。再拜。掌贊承傳。外命婦等皆再拜。訖。司賓引為首者一人進。升奉賀復位拜。樂止。及宣令拜。拜辭等。皆如內命婦之儀。訖。引出。為首者初行樂作。出門樂止。司言又奏。群官賀訖。尚儀前跪奏稱。尚儀妾姓言禮畢。退還侍位。皇后降座。樂作。御輿入。自東房。侍衛警蹕如儀。樂止。女工人退。冊命使者乘輅詣朝堂。至降輅。入至太

極殿庭。大橫街南。御道東北面西。上立中書令於太極殿東北面西。太尉等再拜。復命曰奉制授皇后備物典冊禮畢。又再拜。中書令奏聞。太尉等退。鹵簿幡節等還本司。

皇后受群臣賀

皇后表謝

朝皇太后

皇帝會群臣

皇后會外命婦

皇后廟見

右並如納后儀

皇太子納妃儀

臨軒命使

將行納采。制命使者。吏部承以戒之。前一日尚舍奉御設御幄於太極殿北壁下南向。衛尉設群官次於東西朝堂。太樂令展宮懸並如常儀。其日典儀設文武一品以下五品以上位於橫街之北。西面北上。朝集使五品以上。合班蕃客。又於其南皆西面北上。設武官六品以下。合班蕃客。又於其南皆西面北上。設武官五品以上位於橫街北。東面北上。朝集使五品以上。合班諸親位於其南。六品以下位於橫街南。朝集使六品以下蕃客等又在南。皆東面北上。設典儀位於懸之東北。贊者二人在南。少退。俱西向。設舉麾位於

殿上西階之西東面。設使者受命位於橫街南道東。北面西上。奉禮設門外位。文官一品以下。五品以上。位於順天門外道東。每等異位。重行西面。武官三品以下。位於門西。每等異位。俱重行東面。以北為上。未明二刻。諸衛勒所部。中門布黃麾半仗。入陳於殿庭。如常儀。群官依時刻集朝堂。俱就次。各服朝服。侍中量時刻。版奏請中嚴。鈇戟近仗。就陳於閣外。太極令以下。帥工人入就位。請侍衛之官各服其器服。侍中中書令以下。諸侍臣俱謁閣奉迎。典儀帥贊者先入就位。吏部兵部各贊群官出次。典謁各引就門外位。侍中版奏外辨。皇帝服衮冕。出坐如常儀。通事舍人引群官以次入就位。立定。典儀曰。再拜。贊者承傳。群官在位者皆再拜。吏部與禮部侍郎贊使主副出。典謁引就受命位。侍中前承制降詣使者西北東面。稱有制。使主副俱再拜。侍中還侍位。典謁引使主副出。初。使者將出。典儀曰。再拜。贊者承傳。群官在位者皆再拜。承傳通事舍人引群官出。侍中前跪奏稱。侍中臣某言禮畢。俛伏興。還侍位。皇帝降座。入自東房。侍衛警蹕。如來儀。侍臣從至閣。使主副乘輅備儀仗而行。從者乘車以從。

納采

前一日。主人設。使者次於大門之外。道右南向。其日大昕。使者公服。至於妃氏大門外。掌次者延入次。凡實

主皆行事者皆公服

主人受其禮於廟。

無廟者受於正寢

掌事者布神

席於室戶外之西。莞筵紛純如藻。席畫純南向。右雕几。使者出次。謁者引立於大門外之西東面。主人立於大門內西。儂者立於主人之左。北面受命出。立於門東西面。曰。敢請事。使者曰。奉制作儂儲宮。允歸令德。率由舊章。使其納綵。儂者入告。主人曰。臣某之女。不教若如人。既蒙制訪。臣某不敢辭。儂者出告。掌畜

者以鴈授使。副進授使者。退復位。使者左手執之。儂者引主人迎於大門之南。北面再拜。使者不答拜。謁者引使者入門而左。主人入門而右。使者升自西階。立於楹間。俱南面。西上。主人升自東階。進使者前。北面。使者曰。某奉制納綵。主人降詣階間。北面再拜稽首。升進北面受鴈。退位於東階上。西面。使者降自西階以出。

問名

使者既出。立於門外之西東面。初。使者降左右受鴈於序端。主人降立於內門東廂西面。儂者進受命。出

請事。使者曰：某將加卜筮。奉制問名。僎者入告主人曰：制以某之子。備數於儲宮。臣某不敢辭。僎者出告。掌畜者以鴈授使副。主人拜迎。入俱升堂南面。如納綵儀。使者曰：某奉制問名。將加諸卜筮。主人降詣階間。北面再拜稽首。升進北面受鴈。少退。仍北面曰：臣某第某女某氏出。使者降自西階。出立於內門外之西東面。初使者降。主人退於阼階東。左右受鴈於序端。主人降立於內門東廂西面。僎者進命出請事。使者曰：禮畢。僎者入告。主人曰：某公為事故。至某之室。某有先人之禮。謹禮從者。其儀與納后禮賓同

納吉

前一日。主人設。使者次如常。其日大昕。使者至。妃氏大門以下。僎者出請事。如納綵儀。使者曰：加諸卜筮。占曰：協從。制使某也。納吉。僎者入告。主人曰：臣某之子弗敬。唯恐不堪。龜筮云吉。臣某謹奉典制。僎者出告。掌畜者以鴈授使副。主人迎拜。入俱升堂南面。並如納綵儀。主人降詣階間。北面再拜稽首。升進北面受鴈。使者降自西階。立於大門外之西東面外。初使者降。主人還阼階東。左右受鴈於序端。主人降立於內門西面。僎者進受命。出請事。使者曰：禮畢。其僎使

者。皆如問名之儀。

納徵

前一日。主人設使者次如常儀。其日大昕。使者至。妃氏大門外。掌次者延入次。執事者設布幕於內門之外。玄纁束帛。陳於幕上。乘馬陳於幕南。北首西上。執事者奉穀珪以匱。俟於幕東西面。主人掌事者設几筵如常。使者出次。謁者引立於大門外之西東面。主人立於大門內西面。儂者進受命。出請事。使者曰。制使某以玉帛乘馬納徵。儂者入告。主人曰。奉制賜臣以重禮。臣某祇奉典制。儂者出告。又儂者引主人迎。

於大門外之南。北面再拜。使者不答拜。謁者引使者入門而左。主人入門而右。至於內門外。使者立於門西。東面北上。主人立於門東西面。執事者坐起匱。取珪於玄纁上。興以授使副。使副進授使者。退復位。使者受玉帛。謁者引使者入門而左。主人入門而右。牽乘馬者從入。三分庭。一在南首西上。使者升自西階。立於楹間。俱南面西上。主人升自東階。進使者前。北面。使者曰。某奉制納徵。主人降階間。北面再拜稽首。升進北面受玉帛。使者降自西階出。立於內門外之西東面。初使者降。主人還阼階東。左右受玉帛受馬。

自左受之以東。牽馬者既授馬。自前西出。僎者進受命出請事。使者曰禮畢。其使者如納吉之儀。

告期

前一日。主人設次。設几筵。及僎者受命請事等。並如納綵儀。使者曰。詢於龜筮。某月某日吉。制使某告期。其授鴈升堂受命之儀。一如納綵。使者曰。某奉制告期。主人降詣階間。北面再拜。以下禮畢。以納綵僎從。使者如納徵。

告廟

有司以特牲告如常禮。祝文臨時撰。

冊妃

前一日。主人設使者次如常。設宮人次於使者西南。俱東面。障以行幃。其日奉禮。設使者位於大門外之西。東向。使副及內侍位於使者之南。舉冊案及壘綬。命服者在南。差退俱東向。設主人位於門南北面。設使者以下。及主人位於內門外。皆如之。設典內位於內門外。主人南西面。設宮人位於門外。於使者之後。俱重行東向。以北為上。障以行幃。設贊者二人於東階。東南西向。典內先置一按於閣外。近限。使主副朝服乘輅。持節備儀仗。鼓吹備而不作。至妃氏大門外。

使者降輅。掌次者延入次。宮人等各之次。掌嚴奉禴翟衣及首飾。內既尉進厭翟車於大門之外。道之西東向。以北為上。諸衛率其屬布妃儀仗如常。使者出次。典謁引使者以下。持節者前道。及宮人典內各就位。持節者立於使者之北。少退。俱東向。主人朝服出迎於大門外之東西面。立定。少頃。南北面再拜。使者不答拜。典謁引使者持節者前導。入門而左。持按以下從之。主人入門而右。至內門外。各就位立定。奉冊寶按者進。當使副前。使副受冊寶。奉案者退復位。使副以冊寶進授使者。退復位。內侍進使者前。西面受冊寶。東面授典內。退復位。典內持冊寶立入於閣外之西東面。跪置冊寶於案。典內俛伏興。奉衣服及侍衛者從入。皆立於典內之南。俱東面。北上傳姆贊妃出。引立於庭中北面。掌書進跪取玉寶興。進立於妃前。南向。掌嚴奉首飾及禴翟。與諸宮侍衛者次入。侍衛如常。典內還復位。司則前贊妃再拜。還侍位。妃再拜。司則進掌書前北面受冊寶。進妃前南向授妃。妃受以授司閏。司則又前贊妃再拜。還侍位。妃又再拜。訖。司則前請妃升座。還侍位。司閏引妃升座南向坐。宮官以下俱降立於庭。重行北向。以西為上。立定。贊

唱者曰。再拜。宮官以下皆再拜訖。諸應侍衛者各升立於侍位。司則前啓禮畢。妃降座。司閨引妃入室。主人僎使者如禮賓之儀。使者乘輅而還。

臨軒醮戒

前二日。本司宣攝內外各供其職。前一日衛尉設次於東朝堂之北。西向。又設宮官次於重明門外。如常儀。其日前三刻。宮官俱集於次。各之次。皆服其服。諸衛各勒所部。依圖陳設。左庶子贊請中嚴。內僕進金輅於閣外。南向。率一人執刀於輅前。北向。前二刻。諸衛之官各服其器服。以次詣閤奉迎。左庶子負壘如式。宮官

應從者各出次立於門外。文東武西。重行相向北。上左庶子奏外辨。太僕奮衣而升。執轡。皇太子著袞冕之服以出。左右侍衛如常儀。皇太子乃升。僕立授綏車驅。左庶子以下夾侍如常。出門車權停。令車右升輅陪乘。宮臣上馬訖。皇太子車動。鼓吹振作。如式。文武官皆乘馬如常。至承天門下車。所迴輅南向。左庶子進當輅跪奏稱。左庶子臣某言。請降輅。俛伏興還侍位。皇太子降輅。典謁引舍人。舍人引皇太子就位。侍衛如常儀。前一日尚舍奉御整設御座於太極殿。阼階上西南。衛尉設群官次於朝堂。太樂令展宮懸。

於殿庭乘黃令陳車輅並如常儀其日尚舍直長鋪
皇太子席位於牖間南向其席莞筵紛純
嘉藻席績純尚食奉御

設酒罇於東序下有坵加勺設幕實爵一又陳籩脯

一豆醢一在罇西脯前三刻典儀設羣官版位於內

奉禮設版位於外如朝禮諸衛勒所部屯門布仗立

仗入陳於殿庭群官依時刻集朝堂俱就次各服其

服其侍中版奏請中嚴釵戟近仗就陳於閣外太極

令帥工人入就位脯前三刻諸侍衛之官各服其器

服侍中中書令以下俱詣閣奉迎典儀帥贊者先入

就次吏部兵部贊群官俱出次通事舍人各引就門

外位侍中版奏外辨皇帝服通天冠絳紗袍乘輿以

出曲直華蓋警蹕侍衛如常儀皇帝將出仗動皇帝

出自西房即御座西向坐符寶郎奉寶置於御座如

常通事舍人引群官以次入就位群官立定典儀曰

再拜贊者承傳群官在位者皆再拜初群官入訖典

謁引舍人舍人引皇太子侍從如常式皇太子每行
事在左庶子執儀贊相

至懸南北面立典儀曰再拜贊者承傳皇太子再拜

典儀引舍人舍人引皇太子詣西階皇太子脫冕舍

人引升就席西南面立尚食奉御酌酒於序進詣皇

太子西南東面立皇太子再拜受爵尚食直長又薦

脯醢於序前。皇太子升薦座。左執爵。右取脯。搯於醢。祭於籩豆之間。右祭酒興。降席西南面坐。啐酒。奠爵。再拜。執爵興。奉御受虛爵。直長徹薦。還於房。舍人引皇太子進當御座東面立。皇帝命曰。往迎爾相。承我宗事。勛帥以敬。皇太子曰。謹奉制旨。遂再拜。舍人引皇太子降自西階。納舄訖。典謁引舍人。舍人引皇太子出門。典儀曰。再拜。贊者承傳。群官在位者皆再拜。通事舍人引群官以次出。侍中前跪。奏稱侍中臣某言禮畢。俛伏興。還侍位。皇帝降座。入自東房。警蹕。侍衛如來儀。侍臣從至閣。

親迎

前一日。衛尉設皇太子次於妃氏大門之外道西南向。設侍衛群官次於皇太子次西南。東向北上。皇太子既受命。遂適妃第。執燭馬前鼓吹。振作如式。侍從如常。皇太子車至妃氏大門外次前。迴輅南向。左庶子進當輅前。跪奏稱左庶子臣某言。請降輅。俛伏興。還侍位。皇太子降輅之次。車將至主人。設几筵如常。醴女如別儀。妃服褕翟花鈿。立於東房。侍從如常。主婦衣禮衣鈿釵。立於房戶外之西南向。主人公服出立於大門之內西面。在廟則主人儻者公服。立於主

人之左北向。左庶子前跪奏稱左庶子臣某言請就位。俛伏興還侍位。皇太子出次立於門西東面。侍衛警蹕如常。儼者進受命。出門東西面曰。敢請事。左庶子承傳進跪奏如常。皇太子曰。以茲初婚。某奉制承命。左庶子俛伏興傳於儼者入告。主人曰。某謹敬具少頃。儼者出傳於左庶子奏如初。儼者引主人迎於門外之東西面。再拜。左庶子前跪奏稱左庶子臣某言請答。俛伏興還侍位。皇太子答再拜。主人揖皇太子先入。掌畜者以鴈授左庶子。進東南向奉授皇太子。既執鴈。進入侍衛者量入侍從及內門。主人讓曰。

請皇太子入。皇太子曰。某弗敢先。主人又曰。固請皇太子入。皇太子曰。某固不敢先。主人揖入。皇太子從入。皇太子入門而左。主人入門而右。內門主人揖入。內雷將曲揖。當階揖。皇太子皆報揖。至於階。主人曰。請皇太子升。皇太子曰。某敢辭。主人曰。固請皇太子升。皇太子曰。某固敢辭。主人又曰。終請皇太子升。皇太子又曰。某敢終辭。主人揖。皇太子報揖。主人升立於阼階上西面。皇太子升。進當房戶前北面跪奠鴈。俛伏興再拜。降出。主人不降送。內既尉進厭翟於內門外。傳姆導妃司則前引出於母左。傳姆在右。保

姆在左。執燭及侍父少進西面。戒之必有正焉。若衣

若花。命之曰。戒之敬之。夙夜無違。命母戒之西階上。

施衿結帨。命之曰。勉之敬之。夙夜無違。庶母及門內

施鞶。申之以父母之命。命之曰。恭敬聽宗父母之言。

夙夜無憊。視諸衿鞶。妃既出內門。至輅後。皇太子受

綏。母辭不受。曰。未教不足與為禮。妃升輅。乘以几。姆

加幪。皇太子御輪。三司馭者代之。皇太子出大門。乘

輅還宮。侍衛如來儀。妃仗次於後。主人使其屬送妃

以儼從。同牢。

其日。司閨設妃次於東閤內道東南向。掌筵鋪褥席。

將夕。司閨設皇太子幄於殿室西廂東向。鋪地重茵。

施屏障。設同牢之席於室內。皇太子之席西廂南向。

妃東廂西向。席皆莞筵紛純。加藻席績純。席間量容牢饌。典膳監

設洗於東階東南。東西東雷南北次。堂深壘水在洗

東。篚在洗西南肆。篚實以二爵。設妃洗在東房筵北壘

水在洗西。篚在洗東北肆。皆加勺巾。幕。典膳監先饌

於房西牖下。籩豆各二十。簋簠各二。鉶各三。瓦甒一。

皆加巾。幕蓋俎。三罇在室內北牖下。玄酒在西。加幕

勺南柄。幕夏用絺。冬用緜。罇在房戶外之東。無玄酒。篚在南。

實四爵合其器皆烏漆惟皇太子車至侍臣下馬

所車權停文武侍臣皆下馬車左降立於輅右車動

車右夾輅而趨車至左閣迴輅南向左庶子進當輅

前跪奏稱左庶子臣某言請降輅俛伏興還侍位皇

太子降輅入俟於內殿門外之東西面侍衛如常儀

庶子以下皆退妃至宮門鹵簿仗衛停於門外近侍

者從如常入至左閣外迴輅南向司則進當輅前啓

請妃降輅掌筵依式執扇前後執燭如常儀妃降輅

就次整飾司閨引妃詣內殿門西東面皇太子揖妃

以入又司閨前升自西階妃後升執扇燭者陳於東

西階內皇太子即席東向立妃即席西向立司饌進

詣階間北面跪奏稱司饌妾姓言請具牢饌興司則

承令曰諾司饌帥其屬升奉饌入設於皇太子及妃

座前醬在席前菹醢在其北俎三入陳於豆東豕俎

特於俎北醢之東司饌設黍于醬東饌在西也設對醬于

東對醬婦醬也菹醢在其南北上設黍于豕俎北其

西稷稻梁設酒于醬北司饌啓會于簠簋之南對簠

簋于北啓發也豆蓋各加七箸設訖司饌北面跪奏

饌具興皇太子及妃俱坐司饌跪取脯糝於醢取韭

菹糝授皇太子又司饌取脯糝於醢取韭菹糝

授妃。皇太子及妃受。俱祭於籩豆之間。司饌興取黍實於左手。徧取稷於右手授皇太子。又司饌取黍實於左手。徧取稷反於右手授妃。皇太子及妃各受祭於菹醢之間。司饌俱興。各立取肺皆絕末。跪授皇太子及妃俱受。又祭於菹醢之間。司饌俱以肺加於俎。掌嚴授皇太子巾。又掌嚴授妃巾。皇太子及妃俱悅。手以柶扱上鉶。徧搯之。祭於上豆之間。司饌品嘗。皇太子饌。又司饌品嘗。妃饌。司饌各移黍置於席上。以次跪授肺脊。皇太子及妃皆食。以湆醬三飯。卒食。司饌北面跪奏稱。司饌妾姓言。請進酒。司則承令曰。依

奏興。司饌北面俱盥手。洗爵於房。入室詣酒罇所。酌酒進北面立。皇太子及妃俱再拜興。一人進授爵。皇太子一人以爵授妃。皇太子及妃俱受爵。司饌俱退。北面答再拜。皇太子及妃俱坐。皇太子及妃俱祭酒。司饌各以肝從。司則俱進受虛爵。奠於篚。司饌又俱洗爵酌酒再醑。皇太子及妃俱受爵。俱飲。司則進受虛爵。奠於篚。三醑用。蚤如禮。再拜。皇太子及妃立於席後。司則降東階。洗爵升。酌於戶外。罇進北面。俱奠爵興。再拜。皇太子及妃俱答拜。司則俱坐。取爵祭酒。遂飲。卒爵。奠爵。遂拜。執爵興。降。奠爵於篚。還侍位。司

饌北面奏稱司饌妾姓言牢饌畢。司則承令曰諾。司饌徹饌設於房。司則前跪奏稱司則妾姓言。請殿下入。俛伏興還侍位。皇太子入於東房。釋冕服著袴褶。司則啓妃入幃幄。皇太子及妃俱入室。媵餽皇太子之饌。御餽妃之饌。

妃朝見

其日晝漏上水一刻。所司列御座於所御殿阼階上西面。其席莞筵紛純嘉藻席畫純次席黻純左右玉几司設司皇后座於室戶外之西。近北南向。尚食帥司膳設酒罇於房內東壁下。有坫加酌。幕。罇用瓦紀酒實以醴籩一豆一。實以脯醢。設

於罇北。又設洗於東房近北。壘水在洗西。篚在東北肆。篚實以巾幕一解一角一其日夙興。妃沐浴。司則啓請妃內嚴。質明。諸衛帥其屬陳布儀仗如常儀。近仗入陳於寢門外。內既尉進厭翟於正寢西階之前南向。司則啓外辦。妃服榆翟加首飭以出。降自西階升輅。侍衛如常。至降車所。司則贊妃降輅。司言引妃入仗衛。停於閣外。障扇侍從如常。妃至寢門之外。立於西廂東面。諸衛勒所部屯門布仗三仗入。陳於所御殿閣外如常。侍中奏請皇后內嚴。妃既至寢門。侍中版奏外辦。皇帝服通天冠絳紗袍以出。升自阼階。即御座西向。

坐。侍衛如常儀。尚儀又奏皇后外辦。皇后褱衣首飭。司言引尚宮。尚宮引皇后出。即御座南向坐。侍從如常。妃奉筭棗栗。司饌又執奉筭服脩以從。司則引妃入立於庭北。再拜。司賓引妃升自西階。進東面跪奠筭於御座前。皇帝撫之。尚食進徹以東。司言引妃自西階降。復北面位。奉筭服脩。再拜。司言引妃升進北面跪。奠筭於皇后座前。皇后撫之。尚食進徹以東。司言引妃退立於西序東面。又再拜。司設設妃席於戶牖之間。近北面南向。司言引妃立於席西南向。尚食又入東房。盥手洗觶。酌醴齊。加柶面柄出。進詣妃席前。北向立。妃進東面再拜受醴。尚食薦脯醢於席。妃升席坐。左執觶。右取脯。擗於醢。祭於籩豆之間。以柶祭醴三。始極一祭。又極再祭。降席進東面跪取觶興。即位。席坐奠觶於薦。東興降席。司賓引妃降自西階。出閣乘車還宮。障扇侍從如來儀。

會群臣

皇帝會群臣於太極殿。如正至之儀。唯上壽辭云。皇太子嘉聘禮成。克崇景福。臣某等不勝慶抃。謹上千秋萬歲壽。

文獻通考卷之二百五十五

文獻通考卷之二百五十六

鄱陽 馬端臨 貴與 著

帝系考

后妃

梁太祖元貞皇后張氏。單州碭山人。太祖少聘之。生
末帝。太祖貴。封魏國夫人。天祐元年卒。太祖即位。追
冊為賢后。末帝立。追謚后。

昭儀陳氏。宋州人。少以色進。太祖既貴。專寵。開平三
年。度為尼。

昭容李氏。亦以色進。拜昭容。後不知所終。

末帝德妃張氏父歸霸事太祖為梁功臣帝為王時以婦聘之帝即位將冊德妃立為后未及而卒

末帝次妃郭氏父登州刺史歸厚少以色進梁亡為尼卒於洛陽

後唐太祖正室劉氏代北人太祖為晉王封晉國夫人人生莊宗莊宗即位尊為皇太后

莊宗神閔敬皇后劉氏魏州安成人晉王攻魏裨將袁建豐掠得之納之晉宮莊宗嗣位太后以賜之有

寵生子繼笈帝即位將立后而衛國夫人韓氏正室也燕國夫人伊氏次妃位在劉氏上故難其事宰相

豆盧革樞使郭崇韜等希旨請立劉氏為皇后上從之乃封韓氏為淑妃伊氏為德妃莊宗遇弒后出奔

明宗即位遣人賜后死韓淑妃伊德妃皆居太原晉高祖反時為契丹所虜

自唐末喪亂后妃之制不備至莊宗時後宮之數尤多有昭容昭儀昭媛出使御正傳真懿才咸一

瑤芳懿德宣等其餘名號不可勝紀明帝已後又有司寶司贊司膳司醞司飾司衣過藥梳篦衣服

知客寶省書省弟子院使等名皆封國夫人或郡夫人少者縣君

前代內職無封君之禮此一時之制

文獻通考卷三百五十一
明宗武憲皇后曹氏。不知所出。天成元年封淑妃。既而立為皇后。愍帝即位。尊為皇太后。

明宗昭懿德皇后夏氏。不知所出。生秦王從榮。及愍帝。帝未即位前卒。天成時追冊為皇后。

明宗懿妃王氏。邠州餅家子。初為梁將劉鄩侍兒。鄩卒。帝納之。即位封為淑妃。愍帝即位。尊為皇太妃。

愍帝哀皇后孔氏。父循。愍帝即位。將立為皇后。未及而難作。帝出奔廢。帝入與所生四子皆見殺。晉高祖立。追謚曰哀。

廢帝皇后劉氏。父茂威。應州渾元人。初封沛國夫人。

帝即位為皇后。石敬瑭犯京師。與帝俱自焚死。

晉高祖皇后李氏。唐明宗女。初號永寧公主。天福二年。有司請立皇后。帝以宗廟未立。謙抑未皇。帝崩出。帝即位。乃尊為皇太后。

安太妃。代北人。不知其世家。生出帝。帝立。尊為皇太妃。

出帝皇后馮氏。定州人。父濛。初適高祖弟重胤。重胤卒。出帝納之。立為皇后。契丹入京師。從帝北遷。不知所終。

漢高祖皇后李氏。晉陽人。本農家女。高祖少為軍卒。

入其家劫取之。高祖貴，封魏國夫人。生隱帝。高祖即位，立為皇后。隱帝即位，為皇太后。

周太祖聖穆皇后卞氏，邢州堯山人。太祖少娶之。太祖即位，已卒，追冊為皇后。

太祖淑妃楊氏，鎮州真定人。初為趙王鎔妾，鎔死，嫁石光輔。光輔卒，太祖聘為繼室。天福中卒，即位，追冊為妃。

貴妃張氏，鎮州真定人。初為武氏婦。武卒，太祖納之。太祖兵入京，妃為劉銖所殺，即位，追冊。

德妃董氏，鎮州靈壽人。初為劉進超妻。進超歿，太祖

聘之，即位，冊為德妃。

世宗貞惠皇后劉氏，不知所出。帝微時所娶，封縣君。太祖舉兵，留京師。為漢人所殺。太祖即位，封彭城郡夫人。世宗即位，追冊為皇后。

宣懿皇后符氏，彥卿之女。初適李崇訓，崇訓反，誅。帝納為夫人，即位，立為皇后。顯德時崩。

皇后符氏，宣懿后之妹。宣懿后崩，帝納之。恭帝立，尊為皇太后。

宋太祖皇帝始因五代之制，置司簿，掌官中簿書出納之事。又置司賓，並封縣君。又置樂使，主官中聲伎。

並賜帟帔。太宗置尚宮太監及知內省。充內宣徽南院使。兼承旨。并司簿。或封國夫人。郡夫人。又置寶省尚食。封縣君。又置司寶司儀司給。或授郡君。縣君。又樂使之下。增置副使。又改內省為尚書內省。令尚宮太監並號尚書司給司簿。同掌官籍。及司出給。改祗候人為御侍。衣服為司衣。梳篦為司飾。枕被為司寢。湯藥為司藥。樂使為仙韶使。副使為仙韶副使。弟子呼供奉。又置直筆書省主事。改茶器為翰林局。掌御閣。為直閣。掌宮門為直門。掌燈火為掌燈。掌從物為直仗。針線院為裁縫院。又令司簿兼掌寶司言。兼監班。

司儀。兼承宣。掌寶司儀。及仙韶使副使。仍封縣君。又司記。知尚書內省公事。而皆賜以帟帔。真宗置淑容。順容。婉儀。婉容。並從一品。在昭儀上。又置貴儀。在淑之上。又置司宮。令正四品。在尚宮之上。

太祖孝惠皇后賀氏。開封人。太祖正妃。初封會稽郡夫人。顯德五年崩。建隆三年。追冊為皇后。

孝明皇后王氏。邠州新平人。太祖繼妃。建隆元年八月。立為皇后。乾德元年崩。

孝章皇后宋氏。河南洛陽人。乾德六年。納為皇后。太宗即位。號開寶皇后。居西宮。至道元年崩。

太宗淑德皇后尹氏。相州鄴人。太宗正妃。早崩。太平興國元年。追冊為皇后。

懿德皇后符氏。陳州宛丘人。太宗繼妃。帝為晉王。封越國夫人。開寶八年崩。太平興國元年。追冊為皇后。元德皇后李氏。真定人。初為太宗後宮。封夫人。生真宗。太平興二年崩。真宗即位。追尊為皇太后。

明德皇后李氏。潞州上黨人。太宗妃。雍熙元年。立為皇后。真宗立。尊為皇太后。

貴妃孫氏。開封人。昭容吳氏。錢塘人。

尚宮李氏。徐氏。順容邵氏。揚州人。俱太宗後宮。

朱貴妃。太宗後宮。為才人。後入道。明道中卒。

秦國夫人劉氏。真宗乳母。始封齊國夫人。真宗即位。封秦國。延壽保聖夫人。咸平元年薨。帝以乳保之恩。事之如母。舉哀制服。

真宗莊懷皇后潘氏。太名人。真宗元妃。端拱二年崩。至道三年。追冊為皇后。

莊穆皇后郭氏。太原人。真宗繼妃。帝繼位。立為皇后。景德四年崩。

章獻明肅皇后劉氏。益州人。景德初。為美人。進德妃。莊穆后崩。立為皇后。仁宗即位。尊皇太后。

文獻通考卷三百五十六
章懿皇后李氏。杭州人。入宮為司寢生。仁宗進位。婉儀。明道元年。進宸妃。薨。章獻既崩。追尊為皇太后。章惠皇后楊氏。益州郫人。初為才人。進婉儀。仁宗在乳褓。有護視功。帝即位。進皇太妃。章獻崩。遺詔以為皇太后。

杜貴妃。真宗後宮。後入道。

國初立后妃。皆不行冊禮。太中祥符七年。封婉儀楊氏為淑妃。翰林草制付中書。不宣於外庭。乾興元年。遺制尊皇后為皇太后。淑妃為皇太妃。亦不果行冊禮。自雍熙後。后妃乃寫告身。用金華羅紙。

金塗標袋。有司進入。近臣牧伯皇親。皆修貢禮為賀。

仁宗廢后郭氏。其先應州金城人。天聖中冊為皇后。立九年以後。宮嬖寵忿爭坐廢。出居瑤華宮。號金庭教主。冲靜仙師。又二年暴薨。追冊為皇后。

嘉祐中。帝欲置影殿於洪福寺。禮官因請祔廟。下兩制議未定。而知制誥劉敞言。春秋之義。不薨于寢。不赴同姓。不反哭于廟。則不言夫人。不稱小君。徒以禮不足。故名號闕然。然則名號與禮非同物也。名號存而禮不足。因不正其稱。况敢正其議乎。

郭后於三者無一焉。而欲正其禮。恐未安於義也。傳曰。不有廢也。君何以興廢興之間。固必有正與不正之理存焉。今欲扶所廢以為正。亦將抑所興以為不正歟。古者不二嫡。則萬世之後宗廟之禮。豈臣子所當擅輕重哉。議者或謂郭后之追命也。既復其號。不得不異其禮。譬之大臣坐非辜之貶者。苟明其非辜。則復用之。豈得不遂使為大臣乎。臣謂物有殊類而異勢。未可以相準。臣之與妻。其義雖均。然逐臣可以復歸。放妻不可復合。臣衆而妻一也。禮官張洞言。郭后之沒。不得其所責。當歸

於朝廷。死者何罪。豈有始儼宸極。終不廟食耶。議者欲用後漢東晉故事。或祭於陵寢。或築宮于外。稽之二史。皆曰。母后亦未見其合也。惟唐立別廟。遇禘祫則享之。於義為允。敞又言。郭后所以然者。盖于時聖慮在宗廟社稷之際也。昔漢光武以后。郭氏怨懟廢之。然當時羣臣不以光武為情有厚薄。亦不以郭氏為不當廢者。其意識遠也。今陛下之慮。豈不然乎。光武雖廢郭氏。然顧待其家不衰。亦明退人以義。不緣於私也。此又詔書所以追復郭氏之意矣。用平生之眷。故尊以虛名。顧禮義之

正。故絕其祔廟。是范曄所謂使後世不見有隆薄進退之隙者也。今洞之意以追復郭后。則出於天子。以停止廟謚。則出於大臣。共一詔書也。而論之異同。未知洞何從見之。若不幸此言傳於後。而且歸過君父。虧損聖德。此其一也。臣前奏以為廢興不兩立。人君不二嫡。使萬世之後。禮分不明。洞不以此為辯。若不幸朝廷過聽之。是雖自以能許上起廢為功。而且陰福母后。妄瀆禮正。此其二也。故臣以謂非臣子之義。忠信之道矣。其後議卒不上。朝廷亦未皇有所行也。

按郭后正位。官闈者九年。其廢也。坐與後宮爭寵。非如前代若霍若賈之徒。有不可恕之大罪也。是以當時范文正公輩力爭之。以為過舉失德。既而昭陵悔悼。追復位號。蓋賢於漢之景武。唐之高宗玄宗矣。既復位號。則享祀乃禮之正。而劉貢甫力爭之。夫古人所謂並后二嫡者。但謂不當使妾上僭耳。如后既廢而復。則固后也。又已歿。則不嫌其為先后也。何二嫡之有。且當時曹后在位。而溫成以宮嬪專寵。及其歿也。追冊皇后。置立園廟。乃

其失禮之尤大者。貢甫不彼之正。而此之尼何耶。

慈聖光獻皇后曹氏。真定人。景祐元年。冊為皇后。英宗即位。尊為皇太后。

景祐元年九月。立皇后曹氏。冬至行冊禮。與通禮異。不立仗。不設縣。前一日守宮。設次於朝堂。冊寶使副。次於內東門。命婦次於受冊寶殿門外。設皇后受冊寶位於殿庭階下。北向。奉禮設冊寶使位於內東門外。副使內侍位於其南。差退東向。北上。冊寶案位於使前。南向。又設內給事位於北廂。南向。其日百官常

服早入次。禮官通事舍人先引中書令侍中門下侍郎中書侍郎及捧冊寶官執事人。絳衣介幘。詣垂拱殿門。就次以俟冊降。禮官通事舍人分引宰臣樞密冊寶使副百官入。文德殿庭立班。東西相向。北上。內侍二員自內承旨降冊寶。率執事者捧冊寶出。垂拱殿。捧冊寶官俱搢笏。率執事人禮官導中書侍郎押冊中書令後。從門下侍郎押寶侍中後。從援衛如儀。由東上閣門出。至文德殿庭。權置禮官通事舍人引使副。就承制位次。引侍中於使前。西向。稱有制。典儀曰。再拜。贊者承傳使副在位。官皆再拜。宣曰。贈尚書

令冀王曹彬孫女冊為皇后。命公等持節展禮。使副再拜。侍中還位。門下侍郎持節帥主節詣使東北。主節以節授門下侍郎。門下侍郎執節授冊使。冊使跪受。興付主節。幡隨節立於使左。次引中書令侍中詣冊寶東北西向立。中書侍郎引冊案立於中書令之右。中書令取冊授冊寶使。使跪受。興置於案。中書令侍中退復本班。又門下侍郎引寶案於侍中之右。侍中跪取寶以授冊寶使。使跪受。興置於案。侍中門下侍郎退復本位。典儀再拜如前。禮官通事舍人引使副押寶持節者前導。捧冊寶官捧昇授衛。以次出朝堂。由

右昇龍門入大慶殿門。由殿西過宣祐門詣內東門。內臣引內外命婦俱入就位立。內侍詣閤奏請皇后首飾。褱衣。冊寶至內東門外位。使副東向立。內給事進就南向位。禮官通事舍人引使就內給事前。面北向跪。稱冊寶使李迪副使王隨奉制授皇后冊寶。訖內給事入詣受冊寶。殿閤皇后前跪奏。內侍進詣使前面西跪受冊寶。以授內謁者。監使退復位。內謁者監主當內臣持冊寶入內東門。內侍從之。以次入詣殿庭。內侍贊引皇后降立庭中。北向位。內侍跪取冊。又內侍跪取寶。興進立於皇后之右。少前西向。內侍

二員。進立於皇后之左。少前東向。又內侍稱有制。內侍贊皇后再拜。內侍奉冊進授皇后。皇后以授內侍。內侍又奉寶亦然。復贊再拜。前導皇后升座南向。內臣引內外命婦稱賀如常儀。內侍進詣皇后前跪奏禮畢。內侍前導皇后降座還閣。內外命婦班退。少頃。皇后常服謝皇帝皇太后。用常禮。百官東上閣門拜表稱賀。其冊如皇太子。用珉玉五十。簡標首在內。匣隨冊之長。寶用金方一寸五分高一寸。文曰。皇后之寶。盤螭紐。綬并沿冊寶法物。約舊制為之。匣綠朱漆金塗銀裝。

冊文曰。皇帝若曰。天地定位。陰陽相成。人道貫之。以綱大倫。后德配之。以熙內治。聖人有以端其本也。故造舟之迎言乎備。詩人有以美其化也。故周南之風著乎始。粵朕冲昧。祇若不構。深惟承荷之重。輔佐攸艱。用簡納賢。明協於人神之望。咨爾贈尚書令冀王。配饗太祖廟庭。曹彬孫女。惟乃祖克有武力。勤勞在家。保勲不伐。饗厥終慶。教流後昆。薰然慈和。善祥憑積。生此邦媛。其漸漬醇醲。發聞馨香。所從來遠矣。起居祖習。不侍姆師之訓。風容矩度。自為宗黨之憲。長秋曠位。陰教未序。咨求訓

範。統正六列。宗公鼎臣。誦言于朝。願即嘉時。聿申典禮。朕以春秋之義。必娶大國。摯疇之家。乃稱福耦。謀及泰筮。聘以穀圭。惟吉之從。有命既集。今遣使工部尚書同平章事李迪副使戶部侍郎參知政事王隨持節冊命爾為皇后。欽哉。夫惟肅恭。可。以侍上。夫惟謙裕。可以接下。泰而能約。則驕弗至。動而慎思。則悔弗萌。懋乃后德。修乃嬪職。奉承宗廟。儀刑家國。永綏無疆之祚。不其韙歟。

皇后張氏與郭氏同入宮。進美人。天聖六年卒。明道二年。追贈皇后。

溫成皇后張氏河南永安人。入宮為才人。慶曆八年。進位貴妃。行冊禮如后儀。至和元年薨。追謚為皇后。慶曆八年。制美人張氏為貴妃。所司擇日備禮冊。命學士宋祁就院寫告。用官告院印封進。妃擲告于地不受。十二月。發冊設次位。命官持節授冊印。內外命婦稱賀。及入謝。略如冊皇后儀。冊用竹簡。二十四枚。長尺一闊寸。天下樂錦裝標。金印方寸。文曰。貴妃之印。龜紐紫綬。

董淑妃仁宗後宮。拜婕妤。嘉祐七年薨。美人尚氏楊氏仁宗後宮。與郭后忿爭。后既廢。尚氏

入洞真宮為道士。楊氏出居別宅。
美人朱氏。仁宗後宮。

貴妃周氏。仁宗後宮。徽宗時薨。

德妃楊氏。仁宗後宮。神宗時薨。

賢妃馮氏。仁宗後宮。徽宗時薨。

英宗宣仁聖烈皇后高氏。亳州蒙城人。英宗元妃。帝

即位。冊為皇后。神宗立。尊為皇太后。

張脩容。英宗後宮。初拜昌平郡君。進封修容。建炎四

年。薨于虔州。

神宗欽聖憲肅皇后向氏。河內人。神宗元妃。帝即位

冊為皇后。哲宗立。尊為皇太后。

欽成皇后朱氏。開封人。熙寧初。入宮為才人。生哲宗。

帝即位。尊為皇太妃。

欽慈皇后陳氏。開封人。入宮生徽宗。封才人。神宗上

仙。才人未幾而薨。建中靖國初。追冊為皇太后。

賢妃林氏。神宗後宮。元祐五年薨。

賢妃武氏。神宗後宮。大觀元年薨。

哲宗昭慈聖獻皇后孟氏。洛州人。帝即位。冊為皇后。

紹聖三年。坐廢居瑤華宮。號華陽教主。玉清妙靜仙

師。帝既崩。欽聖詔。后還內。號元祐皇后。崇寧初。再廢。

居瑤華宮靖康時。淵聖議復后位號。詔未下而京城陷。張邦昌僭位。上尊號曰宋太后。迎入宮。受百官朝。垂簾聽政。

元祐五年八月。太皇太后詔以皇帝納后有期。令大常禮官檢詳古今六禮沿革。參攷通禮典故。具其節文。著為成式者。先是太皇太后諭宰臣呂大防等曰。皇帝將納后。天聖景祐故事。止降進冊。未嘗御殿。禮甚簡略。大防等請退而討論。遂降是詔。又詔翰林學士御史中丞兩省給舍。與禮部太常寺官同詳議。六年八月。三省樞密院言納后六禮。命使納綵。問名納

吉。納成告期。差執政官攝太尉充使。侍從官或判宗正官。攝宗正卿充副使。以舊尚書有權為皇后行第。納綵問名同日。次日納吉。納成告期。納成加穀圭。請期。依開寶禮。改為告期。納綵前擇日告天地。發冊命使。差宰臣攝太尉。執政官攝司徒。前一日告宗廟。奉迎命使。依開寶。通禮改六禮。親迎為命使。奉迎。差宰臣攝太尉。執政官攝司徒。皇帝臨軒。與冊禮使副同日。遣先遣冊禮使。次遣奉迎使。令文武百官詣行第班迎。其日皇后服禕衣。乘重翟車。鹵簿。依禮令。由宣德門東偏門入。文臣大卿監武臣正任刺史以上。宣

德門外班迎。詔從之初，議以都亭驛為皇后行第。給事中范祖禹言：都亭驛常為遼使館舍。今納皇后以母天下，而使居夷狄之館，非所以觀示四方為正始之道也。請以舊尚書省為行第。從之。祖禹又言：臨軒發冊命使奉迎，及皇后入內，皇帝皆服通天冠、絳紗袍。於禮未隆。請並服衮冕以重大昏之禮。翰林學士范百祿言：昏禮下達，匪媒不克。今來擇先定，有命既集，而形於麻制。以后氏族，姓宣告外廷。方且遣使齎制行納采，問名之禮，則禮文顛倒。夫先後之序，請以降詔之日行納采，問名之禮。宣制之日行納吉。納成告期之禮，皆不從。既而禮部太常寺言：五禮命使，據開元納采，問名，合用一使。其納吉、納成、告期，各別日遣使。今未委三禮，共遣一使，或各遣使。文武百官詣行第班迎。文臣大卿監武臣正任刺史以上，宣德門外班迎。緣至日行第門外，已設皇后車乘儀仗，逼隘不容百官車馬。其文武百官欲並於宣德門外立班奉迎。按士昏禮用鴈，所以為贄也。又按曲禮：凡贄天子鬯。鄭康成謂天子無客禮，以鬯為贄者，惟用告神。今已據周禮用穀，圭聘后，欲更不用鴈。文德殿發制，欲依發冊例立伏，或止用月朔視朝仗。百官朝服制。

書登車訖。欲出宣德正門。使副步後至外上車。使者復命。欲入左掖門。於門外下車。詣內東門附內待進。入制板匣。欲做穀圭匣製造。使副受制書奉出朝堂門外。置制書於車內。緣右昇龍門臺。不通車乘過往。今叅詳置制書車。合入宣德門東徧門。至右昇龍門外。候使副奉出制書。即置車內。詔納吉納成告期。令各遣使文德殿發制。依發冊例立伏。餘並從之。七年正月。詔尚書左丞蘇頌撰皇后冊文。兼書。二月。學士院上六禮辭語納絲制文。太皇太后曰。咨某官封姓名。渾元資始。肇經人倫。爰及夫婦。以奉天地宗廟社

稷。謀于公卿。咸以為宜。率由舊典。今遣使持節太尉某。宗正卿某。以禮納采。答文曰。太皇太后嘉命。訪昏陋族。備數采擇。臣之女姑姊妹。即云先臣某官之遺女。未聞教訓。衣履若而人。欽承舊章。肅奉典制。某官封糞土。臣姓某。稽首再拜承制。詔問名制文。太皇太后曰。咨某官封姓名。兩儀合德。萬物之統。以聽內治。必咨令族。重宣舊典。今遣使持節太尉封某。宗正卿封某。以禮問名。答文曰。太皇太后嘉命。使者重宣中制。問臣名族。臣女夫婦所生。先臣故某官之遺微孫。先臣故某官之遺曾孫。先臣故某官之遺孫。先臣故

某官之外孫女。年若干。欽承舊章。肅奉典制。某官糞土臣某。稽首頓首再拜承制詔。若女祖已上在直。云某官臣之孫女。納吉制文。太皇太后曰。咨某官封姓名。人謀龜從。同符元吉。恭順典禮。今遣使持節太尉封臣某。宗正卿封臣某。以禮納吉。答文曰。太皇太后嘉命使者某。重宣中制。臣陋族卑鄙。憂懼不堪。欽承舊章。肅奉典制。某官糞土臣姓名。稽首頓首再拜承制詔。納成制文。太皇太后曰。咨某官姓名之女。孝友恭儉。實維母儀。宜奉宗廟。永承天祚。以黜繡黻。圭六馬。以章典禮。今遣使持節太尉封某。宗正卿封某。以

禮納成。答文曰。太皇太后嘉命使者某。重宣中制。降婚卑陋。崇以上公。寵以豐禮。備物典冊。欽承舊章。肅奉典制。某官糞土臣姓名。稽首頓首再拜承制詔。告期制文。太皇太后曰。咨某官姓名。謀于公卿。大筮元龜。罔有不臧。吉日維某月某甲子。可迎。率遵典禮。今使使持節太尉封某。宗正卿封某。以禮告期。答文曰。太皇太后嘉命使者某。重宣中制。以某月某甲子。吉日告期。臣欽承舊章。肅奉典制。某官糞土臣姓名。稽首頓首再拜承制詔。詔命使奉迎制文。太皇太后曰。咨某官姓名。禮之大體。欽順重正。其期維吉。典圖是若。

今遣使持節太尉封某。宗正卿封某。以禮奉迎。答文曰。太皇太后嘉命使者某。重宣中詔。今日吉辰。備禮以迎。螻蟻之族。猥承大禮。憂懼戰悸。欽承舊章。肅奉典制。某官冀土。臣姓某。稽首頓首。再拜承制。詔按晉穆帝永和十年。臺符問六禮版文。舊稱皇帝。今太后臨朝。當何稱。博士曹耽云。公羊傳婚禮不稱主人。母諸父為主。太常王彪之云。三傳異議。不可全據。今太皇太后臨朝。稱制。文告所達。國之大典。皆仰稟成。非無外事也。豈婚聘獨不通乎。六禮版文。應稱皇太后。今請遵彪之議。詔並從之。三月。禮部太常寺。上納后

儀注。發六禮制書日。太皇太后御崇慶殿坐。命內外命婦立班。行禮畢。內給事出殿門。置六禮制書案上。出內東門。禮直官通事舍人。引由宣祐門。至文德殿後門入。權置案於東上閤門。命使納綵。問名。文德殿宰臣親王執政官宗室文武百僚。大小使臣軍員蕃官。易朝服。樂備而不作。立班定。內給事奉制書案。置於橫街北。稍東西向北。上。禮直官通事舍人。引門下。中書侍郎。次。引使副。就橫街南承制位。北向東。上。內給事。詣使者東北。妄稱太皇太后有制。典儀曰。再拜。在位官皆再拜。宣制曰。皇帝納后。命公等持節行禮。

宣訖。典儀曰：再拜。使副皆再拜。授制書訖。典儀曰：再拜。在位官皆再拜。禮直官通事舍人、太常博士引使副從制案出。由端禮門入。右昇龍門。安於油絡網犢車內。出宣德門。鼓吹備而不作。至皇后行第大門外。令史二人對捧制案立。主人於大門內。僮者立於主人之左。北面進受命。出曰：敢請事。使者曰：某奉制納綵。僮者入告主人曰：某之女若而人。既蒙制訪。臣某不敢辭。僮者出告。入引主人出於大門外。再拜。使者先入。使者曰：太皇太后有制。主人再拜。宣制書畢。主人再拜受訖。主人進表訖。再拜。使者出。問名同上。儀

使者曰：將加卜筮。奉制問名。主人曰：臣某之女若而人。既蒙制問。臣不敢辭。命使納吉。納成。告期。並同。命使納采。問名。儀納吉。使者曰：加請卜筮。占曰：從制。使某納吉。主人曰：臣某之女若而人。龜筮云吉。臣預有馬。臣某謹奉典制。告期。使者曰：某奉制告期。主人曰：臣某謹奉典制。以上納吉。納成。告期。請見受制。接表。並如納采儀。臨軒。命使冊后。及奉迎文德殿。宰臣親王執政官。宗室文武百僚。朝堂易朝服。皇帝常服。乘輦。至文德殿後閣。侍中奏中嚴次外辨。皇帝服通天冠。絳紗袍。出閣乘輦。皇帝出自西房。降輦。即御座。分引

文獻通考卷三百五十六
二十
兩省官。及待制權侍郎觀察使以上。分東西八殿門各就位。東西相向立。奉寶置於御座前。奉宣后冊。出閣由東上閣門。出至文德殿庭橫行。典儀贊曰。拜在位官皆再拜。使副授冊。宣制曰。冊某氏為皇后。命公等持節展禮。宣訖。典儀曰。再拜。使副皆再拜。使副受冊。寶訖。典儀曰。再拜。在位官皆再拜。宣制曰。太皇太后制命公等。持節奉迎皇后。宣訖。典儀曰。再拜。使及副皆再拜受節。典儀曰。再拜。在位群官皆再拜。出殿門。侍中奏禮畢。皇帝降座。入自東房入閣。侍中奏解嚴。承旨放仗。百僚再拜出。皇帝常服還內。冊寶出文

德殿門端禮門入右升龍門出宣德正門赴行第。冊后如納采儀。使者曰。某奉制授皇后備物典冊。皇后受冊寶。內外命婦序立如儀。主人以書奉使者。奉迎宰臣親王使相。執政官。文武百僚宗室常服等。班迎於宣德門外行第。僎者請使者曰。某奉制以禮奉迎。僎者入告。主人曰。臣某謹奉典制。僎者出告。入引主人出大門外再拜。使者先入曰。有制。主人再拜。使者宣制畢。主人再拜。主人受制訖。主人答表再拜。姆導皇后尚宅前引外堂出立房外。典儀曰。再拜。使副俱再拜。使者曰。今日吉日。某等承制以禮奉迎。內侍受

以入。使副退。主人以書授使者。奏於司言。受以奏聞。皇后降立堂下。再拜訖。升堂。主人升自階。進西向。戒之曰。戒之戒之。夙夜無違。命訖。主人退。毋進西階。上東西施衿結帨。戒之曰。勉之戒之。夙夜無違。命訖。連進。皇后升輿。至中門。皇后降輿。升車內。皇后出大門。使副及群臣前引。從皇后將到宣德門。有司宰臣文武百僚宗室南向班迎。再拜訖。分班。皇后入宣德門。鳴鐘鼓。班迎官退。皇后降車。入次外。輿出右。升龍門。入端禮門。文德殿東上閤門。出文德殿後門。入宣祐門。至內東門內。降輿。司輿前導。皇后詣福寧殿門。太

次以俟。至日晡後。皇后車入宣德門。禮直官通事舍人引侍中版奏。請中嚴。內侍轉奏。皇帝服通天冠絳紗袍。御福寧殿。官人侍衛如常儀。尚宮引皇后出次。詣殿庭之東西南立。尚儀跪奏外辨。請皇帝降座。禮迎尚宮前引。詣庭中之西東面揖。皇后以入。皇帝導皇后外。自西階入室。各就榻前立。尚食跪奏具。皇帝揖。后皆坐。尚食以饌進。皇帝及后皆食三飯。尚食以酒進。皇帝皇后俱受爵飲。尚食以饌進。再飲如初。三飲用盃。如再飲。尚儀跪奏禮畢。皇帝皇后俱興。尚宮請皇帝御常服。尚寢請皇后釋禮服入幄。次日以禮

朝見太皇太后皇太后叅皇太妃。如宮中之儀。詔後之昭德皇后劉氏。初入宮為婕妤。昭慈既廢。立為皇后。徽宗立。冊為元符皇后。

朱夫人。開封人。治平間。自襁褓入宮。建炎四年。從隆祐太后。幸江西。還封嘉國夫人。主管大內公事。知尚書。內省提舉。十閤分。紹興二年卒。

張夫人。義在宮掖。嘗教哲宗道君讀書。建炎時卒。慕容貴妃。哲宗後宮。初為侍御。紹興初。累追至婕妤。二十二年薨。

靖康之難。六宮皆北去。惟隆祐太后以廢處瑤華。

及先朝嬪御。得留其姓氏。封爵可見者如前。

徽宗顯恭皇后王氏。開封人。徽宗元妃。即位冊為皇后。生欽宗。大觀二年崩。

顯肅皇后鄭氏。開封人。入宮累進至貴妃。顯肅崩。冊為皇后。淵聖受禪。尊為太上皇后。

明達皇后劉氏。入宮為才人。七遷至貴妃。政和三年薨。追冊為皇后。

明節皇后劉氏。入宮為才人。進至湫妃。宣和三年薨。追冊皇后。

顯仁太后韋氏。開封人。入宮自侍御。累遷至婉容。生

高宗從上皇北狩。高宗即位。遙尊為宣和皇后。紹興十二年。歸自虜中。

貴妃王氏。徽宗後宮。政和七年薨。

貴妃崔氏。徽宗後宮。宣和時坐罪廢。

貴妃喬氏。徽宗後宮。從北狩。歿于虜境。

欽宗仁懷皇后朱氏。開封人。初為皇太子妃。上受禪。立為皇后。從北狩。歿於虜境。慶元三年。遙上尊號。謚祔于太廟。欽宗室。

高宗憲節皇后邢氏。開封祥符人。帝在康邸。封夫人。從二帝北狩。帝即位。遙冊為皇后。紹興九年。崩於五國城。虜秘之。上虛中宮以待者十六年。顯仁回。始得凶問。梓宮至。祔神主於別廟。淳熙末。合祔高宗為太廟。

憲聖慈烈太后吳氏。開封人。上在維揚。納之。累進婉儀。憲節皇后崩。問至。紹興十三年。立為皇后。孝宗即位。尊為太上皇后。

賢妃潘氏。開封人。高宗在康邸。納之。既即位。生元懿太子。進位賢妃。紹興十八年薨。

張賢妃。開封人。建炎初。為才人。進婕妤。上令母養。孝宗十二年薨。

劉貴妃。臨安人。入宮累封至貴妃。淳熙十四年薨。
劉婉儀。初為宜春郡夫人。累遷至婉儀。紹興末。以罪
廢。

張貴妃。開封祥符人。累封至婉容。淳熙七年。進封太
上皇帝淑妃。再進貴妃。紹熙元年薨。

馮美人韓氏。吳氏。李氏。王氏。四才人。紹興中俱寵幸。
後皆廢。

容齋洪氏隨筆曰。內庭婦職遷叙。皆出中旨。至
中書命詞。如尚書內省官。固知其為長年習事。
如司字典字掌字。知其為主守之微者。至於紅

紫霞帔郡國夫人。則其年齡之長少。爵列之崇
卑。無由可以測度。紹興二十八年九月。仲兄以
左史直前奏事。時兼權中書舍人。高宗聖訓云。
有一事待與卿說。昨有宮人官正者封夫人。乃
官中管事人。六十餘歲。非是嬪御。恐卿不知。兄
奏云。係王剛中行詞。剛中除蜀帥。係臣書黃。容
臣別撰入上領首。後四日經筵。留身奏事。奏言
前日而蒙宣諭永嘉郡張夫人告詞。既得聖旨。
令不須別撰。上曰。乃皇后閣中老管事人。今六
十六歲。官正乃執事者。昨日宰執奏欲換告。亦

無妨礙。不須別進。今已年老多病。但欲得稱呼耳。蓋昨訓詞中稱其容色云。

成穆皇后郭氏。開封祥符人。孝宗正妃。初封咸寧郡夫人。紹興二十六年薨。上即位。追冊為皇后。

成恭皇后夏氏。江西人。上為普安郡王入宮。上即位。進賢妃。踰年。立為皇后。乾道三年崩。

成肅皇后謝氏。丹陽人。上為普安郡王時入宮。上即位。累遷至貴妃。夏后崩。中宮虛位。將十載。淳熙三年。立為皇后。光宗受禪。尊為壽成皇后。蔡貴妃。孝宗後宮。淳熙十二年薨。

李賢妃。孝宗後宮。淳熙十年薨。

慈懿皇后李氏。安陽人。光宗元妃。生寧宗。帝正位東宮。立為皇太子妃。受禪。立為皇后。寧宗立。稱太上皇后。

黃貴妃。張貴妃。武才人。並光宗後宮。又有潘夫人。符夫人。二張夫人。並上郡封。無品程。凡宮中之制。郡夫人以上。始稱房院。

恭湫皇后韓氏。其先相州人。寧宗元妃。上即位。立為皇后。慶元六年崩。

壽明皇后楊氏。遂安人。入宮。累封貴妃。恭湫既崩。以

嘉泰三年立為皇后。理宗即位。尊為皇太后。

文獻通考卷之二百五十六

